



鴻慶居士文集卷十二目錄  
書

與曾端伯書

與蘓季文書

二

史相書

朱侍御書

二

沈相書



二附書

二

才不暇書

二

與蘇軾文書

二

鴻慶居士文集卷十二目錄

鴻慶居士文集卷十二

書

與曾端伯書

其雖有門下一日之雅而窮陋寡聞不知官簿所在  
日者旌榮榮南來傳詣合泚輒具書省候伏辱遣騎  
賜答高辭妙墨爛然累紙闔三過何貺如之具審  
即日初暑台候萬福某又蒙馳賜百家新選一集發  
函開讀每得所未聞則拊髀爵躍讀之惟恐盡也歐  
陽公集古錄云物常聚于所好而得于有力之強如



好之無力而不好皆莫能致也宗興二百年宗  
公巨儒騷人墨客專門名家大篇短章或膾炙士大  
夫之口或淪廢于兵火幾亡而僅存蒐攬亦畧盡矣  
而詩引所載多者數百言少者數十言其人出處動  
靜詞格高下盛德之士高風絕塵師表一世放臣逐  
客興微託遠屬思千里與夫山峽冢刻方言地志怪  
竒可喜之辭群嘲聚訕戲笑之談靡不畢載集古錄  
又云惟世之所貪者無欲於其中然後能一其所好  
豈不信矣夫某竊讀諸引之後其詩舊所見不復讀

讀未見者每遇佳處或一再讀或三復而不能休不  
謂投老殘年獲睹竒勝幸甚遇望不可言也某下迂  
才下為世畸人區、小技如腊鼠然不可出鄭國尺  
寸之意比讀新著而私意粗亦有合者秦少游云曾  
子固文章妙絕古今而有韻者輒不工此語一出天  
下遂以為口寔南豐作李白引以謂閔肆瑰璋非近  
人騷人所可及而連類引義中法度者寡荆公屢稱  
郭功父詩而南豐不謂然功父疑之荆公曰豈非子  
固以謂功父天才超逸更當約以古詩之法乎南豐



論詩如此如兵間一詩拍徐得占論交一詩拍召吉甫又有黃金顏揚諸詩皆卓然有濟世之用而世人便謂不能詩其所以不喻其言也荆公竹詩人言直節生來瘦自許高才老更剛雪詩平治險穢非無德潤澤焦枯寔有才送李璋下第才如吾子何憂失命屬天公不可倩世人傳誦然非佳句公詩至知制誥乃盡善歸蔣山乃造精微其後再送李璋下第和冲卿雪詩比少作如天淵相絕矣白公詩所謂辭達大抵能道意之所欲言者蘓黃門詩已不逮諸公北歸

後効白公體益不遠惟四字詩最善張文潛晚年詩不見前作意謂亦効白公者詩公述潘邠老言文潛晚喜白公詩信矣如所料也東坡論陶詩精能之至乃造平淡如佛說蜜中邊皆甜若中與邊皆枯淡亦何用陶詩外枯而中腴若淡而寔美也公謂徐師川晚年務造平淡終不如少年精巧蓋平淡不可為水落石出自見涯涘非積學之至不能到也呂居仁作江西宗派概云宗派固有次第陳無己本學杜子美後受知于曾南豐自言向來一瓣香敬為曾南豐非



其派也靖康末呂舜圖作中憲居仁遇師川于寶梵  
佛舍極口詢罵其翁于廣座中居仁俛首不敢出一  
語故于宗派貶之於祖可如壁之下師川固當不平  
然惠洪偽作魯直贈詩云氣爽絕類徐師川師川喜  
以為是不免與惠洪為類此又不可曉者冷齋夜語  
載秀老一事某在江西時惡其狂誕無稽坐客皆憚  
然此僧中奴固不以答罵為辱東坡橄欖詩云已輸  
崖蜜十州甜惠洪以崖蜜為櫻桃又有俗子假東坡  
名注杜詩云金城土穠靜如練為蘆菔根者東坡地

黃詩云崖蜜助甘冷山書薑發芳辛製地黃法當用  
薑與蜜而用櫻桃可乎黃師是守酒時以酥酒遺東  
答詩云閔右土酥黃似酒揚州雲液却如酥謂土酥  
為蘆菔根可乎公著論斥其妄良有益于後人耳目  
也某觀其公叙諸詞句溫麗紀次詳寔尊賢樂善得  
詩人本意嘆仰之餘又見曾存之晁無咎廖明畧諸  
公已推重于幼學之初而一時名勝皆其名儔匹然  
後知公致力於斯文久矣如曹元寵米元暉殆是子  
美詩中黃四娘者耶然元寵詩殊有可觀若都下平



丈我又待入紅窗迥矣聊發千里一笑某自拜賜凡  
六日讀盡所著五十九卷與拾遺話一卷而後脩書  
拜送使者尚當細讀別具記不宣

### 與蘓季文書

去違荐更年載馳心故人之側惟寐忘之念欲致一  
書而公典州在數千里外某亦窮處一涯但有此心  
耳忽枉誨函存錄之厚慰藉累紙以愧以喜具審即  
日秋暑台候萬福某年過七十門內多故幼妹逝去  
方携兒輩姪臨視窆封而大妹訃音忽至大雪中馳省

其喪又經紀其家悼念未衰舍弟亦遇疾不可治憂  
釁傷生鬚髮盡白重以同產零落殆盡願影歸然獨  
存殊不知有生之可願也間從事佛書照了諸妄而  
根器頑鈍竟無所得惟讀東坡先生之文竟一篇則  
心目開通秋陽賦所謂如醉而醒如痿瘖而鳴如痿  
而起行如還故鄉初見父兄其樂蓋如此也先生以  
和陶詩屬黃門云吾將集而錄之以遺後之君子某  
置力於斯文五十年矣至是得一言一句輒識其奇  
趣亦庶幾後之君子之助蒙賜書一篋初謂先生遺



之文未刻者揭篋乃西臺澗上之文拜貺欣感雖未能細讀異時嘗窺見一斑矣西臺叙云召試玉堂翰蘓公擢為第一天下服蘓公之英鑒則是天下先知仲游而後公知之也又云朝廷用公自茲始則是天下未知仲游知仲游自公始也一叙大率類此天下人物之評如懸一鑑于庭胡現漢現皆不能逃豈待得一舉仲漢而後天下服也澗上叙云文忠公既薨一二巨公亦下世而後有澗上文入談何容易試以澗上之作雜置東坡詩文中則大全集贗本皆是物

也豈不重貽續貂之誚西臺澗上固名士而推稱大過儼非其倫責備賢者徒為二公之累某在京師時嘗過謝任伯見夏均父在坐紛然問其故均父曰唐有韓昌黎宋有蘓東坡是一流人也任伯搖首不然之均父愠怒面頸發赤說不已某曰東坡雄竒如韓公辨博如孟子未可以任伯參未透耳未可以口舌爭也一笑而罷後十年<sup>任</sup>伯作李邦直集叙謂文忠公云李清臣文似蘓某而議論過之讀之歎駭不已昔先生初第時以書見梅聖俞論貧賤富貴之樂聖



俞特示文忠文忠答云讀蘓某書不覺汗出老夫當  
避路放他出一頭地也天下傳誦以為口寔今尚載  
居士集中不知任伯何所據而云先生言世間名寔  
不可欺文章如金玉自有定價先後進相汲引因其  
言以信於世則有之矣至於品題高下當付之衆口  
決非一夫所能抑揚今三叙引殆是出于一夫之口  
所謂齊人知管仲晏子而已聊因書發公一笑

二

聞公移湖憲此徵拜之漸未敢賀也江湖去朝廷遠

矣如弭節少留季文可以行其所知也某守藩時獄  
官示劄斷結罪人試摘一二聞之徃々左右視不能  
對每因送迎間造二獄親慮之必盡得情狀乃決遣  
近時蠹弊益甚一人犯法連逮數十人多至百餘人  
獄官漫不省胥輩終日峻鞭朴責賅謝夜則羣飲倡  
優之家而瘦死者梯墻曳出之其家裹飯飲之已四  
日猶未知其死每聞之為之酸鼻食不下嚙姻舊赴  
獄掾來別置酒具飯歷數而詳告之以為偷一日之  
安而縱吏賊害無辜必為子孫無窮之累季文作吏



自有家法計不容此輩一路蒙賜矣先生盛德固已  
廟食百世更益以於公之報福祿之來可勝計耶

史相書

某去國四十年雖無門下平生之素而投老待盡之  
身已在相公包荒納汙之地矣恭惟太上皇御極三  
紀一日斷自聖心追述堯舜禪讓于數千載之後新  
天子踐祚大丞相登庸感會千齡新逢一旦得時得  
位固已如聖制之所褒揚而縉紳秉筆之士道古今  
而譽聖德者亦已畢陳于前某輒薦一得之慮庶幾

有補於萬分相公試垂意觀之某伏見靖康之變二  
聖播遷中原陷沒八葉皇族一百州生靈皆被其毒  
而御營使劫寨大學生伏闕廟堂諸公拱手坐視其  
成此禍高官大職生榮死哀無一人以誤國得罪者  
于是好勝樂禍之人朋附益衆相師成風投袂斫掌  
踴躍用兵或欲折尺箠答其背或欲請長纓曳其頸  
或草檄書肆罵或折辱其使者以快一時之憤豈不  
壯哉而激怒強敵挑發兵端誰當任其禍者夫強弱  
衆寡之勢如東西黑白三尺童子皆知之矣度長絜



大惟有南北解仇可以紓君父宵之憂赤子肝腦  
塗地之害又須人主屈已遣使尋盟有司聚財輸納  
賄賂可以營廢田矣當廣募耕種之夫可以蒐銳卒  
矣當歷選驍勇之士教習器械待其金精儲峙金穀  
待其富皆國家閒暇無事之所為非一朝夕之所能  
辦而當政用事者多以次遷序進無得君者一人譽  
用之一人毀去之泛泛然如寄客視吾身且不能自  
保安能拂衆人之情來易至之責待未至之功也又  
自度他日之禍未必及已故不若雷同和附寄之後

今者相公以潛藩之舊為天子股肱心膂之臣舉世  
譽之何所加舉世非之何所損倚注之重屹若柱石  
不可搖動某所謂寄之後人者相公當之矣所以啓  
事所陳以為分莫大之憂非以為寵也昔項羽背義  
帝之約王沛公于漢中諸將皆怒請戰獨蕭何曰雖  
王漢中之惡不猶愈于死乎帝曰何猶乃死也何曰  
今兵不如百戰百敗不死何為帝于是蟠然趣駕漢  
中張良因勸燒絕棧道示羽無西意當是時雖有蕭  
何之謀張良之智不能以為強弱抗項羽亦明矣其



後何薦韓信拜為良將良請遣使連英分地王彭月  
垓下之圍三將併力遂破楚有天下自今觀之遷蜀  
燒棧人見其趨然卷甲遠去以避其鋒而不知滅楚  
之計已定于此一隔之地矣知彼知己善始善終謀  
國者固如是乎某老且死尚統一獻其愚也他日戎  
馬在郊大將忽有乘輿視師之請則言之無及矣干  
冒威尊汗流至踵

朱侍御書

某自承侍御進直臺端雖喜聞大賢得路不敢率然

上記冒瀆高明適有里中人華生訟墓田詣臺投牒  
橫被厚誣某問知本末不免馳告今年六月華生欲  
葬其妻于某族弟好修妻祝氏墳墓數步問好修家  
請以田換不許更給葬費亦不許忽有耕者云此戶  
絕產非華田也好修家始詣武進縣投狀乞追華氏  
田契照驗仍乞告示本處地分隣保且未得令華氏  
興工動土聽候本縣定驗結絕而華生追縣放譚云  
知縣與孫知錄同官遂阻障某不得葬妻即縣尹矍  
然而羣胥告言華生是本州群惡中把持州縣一人



之數知縣馮百藥即時移文稱習與孫知錄同官有妨嫌牒縣丞索契定奪已而華生更不擇日亦不斬草破土便舉妻柩以葬而本處鄰保出示本縣約束忤作一行人皆不敢下手華生諸子被衰經徑趣州衛聽事號訴謂好修集衆止障安葬太守大怒即時追人好修自在楚州而弟好謀出對具言上項因依且云委是華氏田誰敢指占如是絕冒占絕產則可見墳墓侵害太守即時縱去送所司索契券乃華生鄰人所佃省田已死絕數年須有牙僧保見書寫人

作證而華生稱皆已死亡又索縣籍只是絕產無華生戶名亦不曾輸納二稅田契內四至與縣籍又皆不同既無一人作證在縣籍又是戶絕有司定作偽券拘收入官華生只合經諸司陳訴常州理斷不當給還元田不然入狀清買又只合訴耕者之妄及訴武進不合約束候定奪如某以合名而任此咎也今公案且在一一可考不誣也又况鄉州墳墓東家與西家數步內犬牙相入累々相望何可勝數好修家以謂是華氏田何敢輒義若是絕產官田得免侵犯



作踐在人情亦未為過如某七世祖下數十族非患  
難死喪義當拯援又非干請州縣規求賄賂二三畝  
田公私當以契券為證豈其所當預也而華生失計  
無賴鑿空造言巧發竒中固惑言路萬一不察遂挂  
簡牘惟無辜橫被中傷而小人得申無理之訟開掘  
侵犯百種作踐州縣觀望莫敢誰何其情只是如此  
今本路呂憲婦家常州胡氏胡氏與某亦數世婚姻  
宣和六年沈晦榜某備員參詳官于落卷中取王詳  
與呂憲二人不為無契素可干預矣而呂憲以州郡

所斷為非某去國三十年殿師之子楊提舉不惟不  
識面亦不聞名而提舉又以憲司不索公案只據華  
氏狀斷還為非是謂某干預可乎某伏遇侍御以忠  
厚正直為天下公議之主每有風聞不主先言必考  
覈真偽為曲直故某得追大戾布露腹心聞左右之  
聽不然衰老餘生不知所稅駕矣

二

某不獲已冒浼尚有欲言者輒恃存眷試言之某宣  
和末擢任侍御史會靖康之變因論劫寨誤國伏闕



有禍又論王黼誅死而召蔡京歸賜等第事疎養迂  
濶輕犯衆怒故得罪于蔡李賓客尤甚淵聖幸青城  
虜人索表翰林學士吳玠莫儔皆稱病淵聖召某直  
諭曰朕歸心如飛煩卿草一表不可辭時某承乏西  
掖奏曰雖非某職事君父在漢不敢辭表去欲回要  
說南朝劫寨覆我軍結于都滅我國遂如其說叙二  
事以為大臣誤國致北朝興戎如此又卻回今作四  
六說來于是宰相何鼎刑部侍郎程振起居郎胡交  
修與某四人同撰而某下筆表去淵聖詣端誠殿粘

罕置酒五行是日大駕還內建炎初上駐蹕維揚言  
官馬伸論某草表之罪上曰大臣誤國至此教他怎  
奈何幸蒙聖察後數年胡交修得台州來訪某曰有  
謗公表中有毀宗廟兩語却不是蔡李賓客乃胡寅  
所為也時何相與程下世久矣交修恐某他日援引  
為証某曰衆愠在某不敢奉扳公何益修曰今有  
談人短長如其人朋友親戚在坐則不敢談矣又有  
談父兄之短于子孫之前者小必遭詬罵大必致論  
訴豈有人臣為人主作文而毀宗廟不待識者而後



知其不然矣某曰宣仁太后婦人中堯舜至今誣謗未明神宗皇帝史三經筆削安得謂之寔錄風俗之衰交亂黑白顛倒是非君父尚不免如某么麼何足道哉某歸宿田里二十五年屏迹杜門無意于世間矣會秦相薨朝廷更化起廢之恩遠至遐裔下及幽壤某始不忍以姓名久汙罪籍遂叫閭一鳴例蒙昭洗甄復官資除授宮觀宮觀秩滿不敢再乞上書納祿庶幾得諧首丘之願奏牘抵闕門而遇國故忽聞華氏之訐惕然而惧茫然而思曰家有田不得為主

人有死喪不得葬世間容有是事乎平生無事得謗種了類此某人微望輕素與不立而為世嫌之所加竊自愧歎而已今華牒已付憲司所望結斷後侍御既索公案一觀倘有一言之妄某無所逃罪只緣朝廷至近而小人習知風聞之說中懷睚眦或借交報怨聚數日之糧挾一紙之書徑造御史府事已掉臂而還所謂有司反坐虛妄之罪皆不及焉倘因此時究見真妄使欺罔之徒中傷善良者稍知懲艾豈某一人獨受大賜



沈相書

竊見馬料大麥為浙西之害頃有轉運使以百姓為念治營田出穀子以代大麥二年間先減半糴及今數年營田已成百姓以為當盡減罷而轉運司方有續添旨揮不知其故糴買馬料轉運司年々降本錢比私價亦可得三之一或用乳香或用官鈔或用見錢初付縣丞縣丞偷盜又付知縣偷盜尤甚遂改通判通判成資之年又卷之而去况營田減半之後數年來穀子之入愈多可罷無疑矣漕司何設此一端

縱官吏為百姓之害方催督時鞭笞流血重利取債破壞家產不可勝數相公去此一害一方欣歡然欣戴盛德可以相見矣

二

竊見江陰為軍常州失一縣之助不足道也而江陰一縣之民安能任一軍之責自添知軍職幕官曹掾兵官十數員又增指使孔目官曹吏散從官縣虞侯等數百人而知軍公使庫則軍中一阱也和糴之罷久矣江陰獨不罷僻在一隅監司未嘗到誅求百端



不可毛舉以為有補邪去年温明州私鹽百餘艦往  
來江中殺掠商賈又各自立黨互相屠戮江水為舟  
軍城外公然賣鹽一斤五十錢西止晉陵武進境上  
數十聚落皆食此鹽而石排小河兩巡檢兵反販賣  
菘菜蘿蔔為賣鹽家淹藏之用而官鹽百餘錢一  
終無一金之入江軍陰為軍可見無補大抵更法立  
制必權利害輕重利多害少行之不疑如罷軍為縣  
但胥輩不便而百姓有更生之賜耳

鴻慶居士文集卷十三目錄

啓

回沈狀元啓

和州謝宰執啓

回謝交代啓

回通判啓

回教授啓

回監稅范學士啓

謝監司啓



回無為知軍張徽猷啟

謝淮西鈐轄陳卿啟

回舒守王郎中啟

平江謝宰執啟

回交代趙大監啟

回通判韋朝散啟

與寄居侍從啟

與范運使啟

與鄰郡太守啟

賀陳漕啟

上宰相辭臨安啟

上秦叅政啟

謝宰執啟

與交代李待制啟

回謝通判啟

與運使曾顯謨啟

與宣撫使開府啟

與湖州守葛待制啟



回謝劉漕龍圖啟

謝徐漕啟

回謝平江守胡舍人除待制啟

賀宰相啟

回謝宋發運啟

鴻慶居士文集卷十三

啟

回沈狀元啟

待金馬門之詔首冠殊科論石渠閣之經進膺楸寵  
天子興見晚之歎諸儒艷稽古之榮巖穴爭光縉紳  
竦慕恭惟狀元學士學無不通而遂于曆文皆已出  
而自得之心偶一時困刀筆于吏前不崇朝動毅名  
於天下雖萬人吾往矣豈特掉三寸之舌于十九之  
中借前箸以籌之故能知一日之差在八百年之



後奏篇稱善紙價驟增舉群驚北冀之空擊水運南  
溟之化固大丈夫所以自期者當如此豈安男子出  
于嘗試而幸得之臚句一傳歡聲四出某服膺滋久  
快覩宜先竄迹窮閭屢勤長者之車轍書名淡墨又  
陪學士之堵墻殆茲貴名暴白之初何翅郵命流傳  
之速同時流輩自笑搶榆決起之早晚歲功名行見  
松栢後凋之操特迂鞭馭馳况書滕凜高義以卓然  
愧勞謙之過矣第深欣悚莫究願言

和州謝宰執啓

百謫已盈難追黜幽之典一麾而去猶分共理之符  
伏念某早出寒鄉首陪諸彥天資椎鈍豈有能為官  
牒推移遂至於此俄值纂承之慶丕昭籲後之公十  
亂興周一變輔舜逢辰千載敢忘魏公子之心多罪  
百罹安有齊虞人之志立仗之鳴奚補集枯之計甚  
踈拱手覆羹信是五窮之阨下機投杼豈無三至之  
信遽開使過之科更索長民之寄松楸在望鷄犬相  
聞倘因坐嘯之餘獲遂息肩之所豈復爭先歧路志  
千里於伏櫪之間所願少假須臾巢一枝于深林之



上茲蓋伏遇某官應時作則道體為公天下之勢猶  
持衡本無私于輕重至人之心如用鑑亦何有于將  
迎致茲罪戾之餘尚玷使令之末平生所願投老獲  
從自愧無竒遂占陽城催科之效庶幾未死及見鄭  
公仁義之行

回謝交代啓

東海之洋十年望歎景星之覩一日爭先甚虞製錦  
之多傷猶幸伐柯之未遠恭惟交代某官忠純許國  
豈弟宜民驥足已超許追參于十駕豹章甚蔚尚窺  
後事之師

回通判啓

請上方之劔豈堪老病之餘分竹使之符遂玷承宣  
之寄不有指縱之自敢圖臥理之安恭惟某官循良  
千里之師磊落萬人之傑伐柯取則幸同聲氣之求  
傾蓋相從盡索形骸之外庶無大過以迄終更

回教授啓



補劓息黥但切歸田之意投閑置散尚何守土之謀  
猥先借譽於書詞尚記承顏于疇昔三毛殊勝識小  
異于千人一鬻可知會屬饜于五鼎恭惟某官高情  
拔俗妙語嚙枯渾然深厚爾雅之文信矣直諒多聞  
之友方求瞑眩以補過愆倘使灌夫獲萬金之良藥  
更令安世誦三箴之止書喜愧交懷占言難盡

回監稅范學士啓

分符出守奉詔趣行方循墻鑿聞命之恭而移文有  
勒回之意深切仰高之素未降既見之心恭惟某官

桀出萬夫名滿四海特立挺歲寒之操先游之左右  
之容舉朝斷、今無有矣抱閔碌、未免何哉盍先  
召節之行入奉受矜之對謙光下燭屈高論于借秦  
興盡欲還將退飛而過宋良深感戀莫究頌言

謝監司啓

一麾出守猥分千里之憂十國為連更托二天之庇  
踈頑何幸欣悚交懷恭惟某官望冠時髦心存帝室  
奏刀肯綮恢然游刃之餘受命歲寒挺若後凋之操  
眷此賢勞之久盍先召節之行聖主興嗟何相見之



晚也聳丞相老未嘗過而問焉

回無為知軍張薇猷啓

省戶同升早接俊游之末山城盡諾又聞謠頌之餘  
方恢游刃于斲刀遂許借明於鄰燭恭惟某官五公  
世胄萬石家傳滄海之遺珠靈光獨耀故國之喬木  
風烈尚存願欲命千里之駕而未能遽先馳一介之  
書而見寵包茅不入敢加問楚之師唇齒相依自作

全虞之計

時漕司以為無上供違限委和州勘

謝淮西鈐轄陳卿啓

明制閔煩便蕃均佚三刀夢協方欣千騎之臨一節  
風馳已見百城之聳先聲所暨比屋交懽恭惟某官  
宏毅裕於大方忱恂懋于衆行五朝齊美獨高國士  
之風萬石傳家具戴世臣之烈暫掇周行之峻來蘓  
淮右之民今袴昔襦左飡右粥類非俗吏之所為也  
首膺共理之求不有君子其能國乎又竚來思之望  
某栖遲末路投畀小邦仰戴二天之仁辱先一日之  
雅楚令尹之仕敢懷喜愠之心滕大夫之才自笑功  
名之滅深深感戀莫究頌言



回舒守王即中啓

黃堂坐嘯潤霑九里之餘記室占詞妙絕五雲之體  
謙冲俯逮榮愧交懷恭惟某官識洞陽秋名高月旦  
刃發矧而迎解雖技經肯綮之未嘗車醉墜而獨全  
蓋死生驚懼之不入以厭粉闈之直來班皂蓋之香  
坐爰舍于堂陰借餘光于鄰燭伐柯未遠居慙非和  
郢之音擊析相聞寧復有奔秦之盜其為幸會莫究  
名言

平江謝宰執啓

抗章避寵驟登延閣之華賜札疏滌誤玷名城之寄  
望尺五之天而遠矣紆丈二之組而去文竊以天下  
之名寔不可亂真而流俗之愛憎能害正時惟真主  
盡繫群雄大收閔闕之功一洗尋常之陋溺冠倨見  
安用腐儒築壇先登果得大將用能排六國于借箸  
之日亦復定三秦于傳檄之中某骯髒餘生漂流棄  
物方上聖宵旰有為之日正衆賢馳騫不足之時俯  
記疲駕上勒鞭策必欲係單于之頸豈賈傳之空言  
尚當安會稽之棲宜用陶公之大計審難自効竊幸



退藏方虞逋慢之誅已備藩維之恭托惟某官得君于  
三顧拔士于一言禹行舜趨獨見負非之陋柴愚參  
魯盡歸器使之宜深軫民勞遂承人之乏惟姑蘓之故  
壤寔吳會之奧區軍政壞于百年熙洽之餘民力困  
于一夫貪恠之後浙刀頭之米莫喻其危瞻屋上之  
烏庶幾自免

回交代趙大監啓

埽君相之舍早貪附驥之榮分刺史之符俯愧續貂  
之誚恭惟交代某官赫奕五公之胄循良千里之師  
解十二牛為游刃有餘取三百困而食功無愧亟奉  
璽書之寵進陪夜席之前猥以孤蹤遂維前躅韓荆  
州十面已大慰于夙心楚令尹告新當率由于舊貫

回通判韋朝散啓

奉詔趣還正衰晚臥疴之日抗章避寵疏便藩均佚  
之恩恭惟某官明習憲章通達國體千里之驥足尚  
淹伏櫪九霄之鵬翮行遂培風不圖起廢之蹤居有  
借明之助多益辦方觀游刃之餘碌々止竒豈恨  
伐柯之遠



與寄居侍從啓

招虞人之旌敢有不回之懷意會稽之組猶分共理之符恭惟某官直諒而多聞弘毅而任重智出萬夫之桀解十二牛而游刃有餘文推四海之中草三千牘而奏篇稱善佇膺詔獎歸覲清光某以流離衰病之餘荷推挽矜憐之意懇甘棠而思召伯深愧前修避正堂以舍蓋公庶聞治道

與范運使啓

視草西垣恩容避席疾分符南服詔許偷安恭惟某官心平而行高才全而德巨言語妙天下和白雪而欲無道義輕王公視浮雲之何有方傳教于十國已托庇於二天豺虎未除稍貸狐狸之問山林不採庶全藜藿之生欣竦交懷占言難盡

與鄰郡太守啓

視草西垣屢抗投閑之請分符南服更叨共理之求一燈分鄰壁之光九里借洪河之潤時惟幸會良激歡悰恭惟某官文章邦國之華器業岩廊之具公車幕召發妙契于一言帝席夜前望榮光于三接屬千



戈之倣擾軫霄旰之焦勞眷求慈惠之師增重藩維  
之托顧惟末路獲附餘輝唇齒相視以為安藜藿何  
憂乎見采望而見者屹如制水之防求則得之母害  
乞醢之直

賀陳漕啓

一札流聞大慰雲霓之望十城驚竦佇瞻斧繡之光  
恭惟某官夙擅異比千里之稱時推斗南萬人之傑  
培風背于九霄之路折秋毫于百戰之場攬轡車中  
鷹隼殆將繫矣埋輪道上狐狸何足算焉某老病守  
藩踈慵負國謾索太倉之粟無補縣官空餘涸轍之  
魚以俟君子俯深欣頌莫究名言

上宰相辭臨安啓

負罪投閑蒙恩起廢惟錢塘之巨鎮寔行殿之陪京  
累聖涵濡比屋盡千金之子群克稱亂頻年為百戰  
之場雞犬不鳴人牛俱喪污萊蕪沒疾病呻吟宜得  
循良慈惠之師上體惻怛哀矜之意伏念某崎嶇兵  
亂屏竄洲居久独立于風波不測之淵恐不托于鮫  
鱗垂涎之口一聞洵、便有性命之憂豈復營、更



思富貴之樂敢罔思紀狐蹤擢寘從班叨塵督府雖  
兼收並蓄不廢牛溲馬勃之求而驅去復還幾類狗  
苟蠅營之態寔難龜俛上副使令傾倒純忱亟上叩  
閭之請恢崇大惠佇聞造膝之陳苟未填溝壑之間  
猶能効犬馬之報

上秦叅政啓

伏審叅政正直貞諸鬼神忠信行于蠻貊盡室航海  
傳遠中州四海傳聞感涕交下漢蘓武節旄盡落止  
得屬國唐杜甫麻鞋入見乃授拾遺未有如公獨伏

忠義於強胡劫貞之中盡得虜情于二江敗衄之後  
膺受帝賚恢復中興登進廟堂叅秉大政某以門墻  
舊物未獲申賀慶之私而蒲柳殘年方亟上籲天之  
請敢罔思紀曲賜優容倘此生得全標榜之生則他  
日敢忘蛇雀之報

回宰執啓

洒掃真祠方適島居之願藩宣大屏遂分盱食之憂  
念非擇事之時莫致籲天之乞某踈庸少與狂狷妄  
行逢時不祥違已交病所願全生碌々以効甯武子



不可及之愚無何妄作紛々幾致益成括小有才之  
患自嬰嚴譴已分歸畊偶未遠于迷塗遂復還于故  
我不圖流落尚軫記鄰寵以隆名付之方畝一時盜  
賊之徒猶在何以折衝四方冠蓋之路所從敢言臥  
護退循涯分深積競惶此蓋伏遇某官觀過知仁求  
人用舊以權衡之平可信故毫髮之善不遺顧此衰  
殘尚叨器使惟是會稽六師之次近在前塘之水之  
間衆口難調十手所指兵火之威未解殆非飭傳厨  
以稱使客之時大馬之力已疲但有賜骸骨而歸卒

伍之意終期大造曲遂私誠

與交代李待制啓

臥漳濱之疾久待盡于窮閭復雁門之騎遽疏榮于  
巨屏不圖晚節復並英游恭惟交代某官儒學甘泉  
之從臣悃悞東京之循吏才高難用已憂大瓠之不  
容去後見思尚愛甘棠而勿剪挺一德始終之操見  
三朝進退之間猥以庸虛遂相先後故將軍起廢豈  
有能為舊令尹告新庶無大悔

回謝通判啓



衰晚臥病久逃空谷誤息起廢尚軫遺簪伏遇某官  
敦故舊伐木之仁重久要投膠之契布帛之溫言曲  
借桑榆之暮景增光袖手旁觀將見汗顏之斲伐柯  
取則庶收坐嘯之功

與運使曾顯謨啓

屏竄一隅幸孤生之永弃蕃宣大屏豈衰病之能堪  
伏遇某官推心不媿于古人為義獨高于流俗交情  
可見屢動長者車轍之臨宿惠不忘自有故人綈袍  
之意不圖晚節獲附餘光喜溢情涯望踰意表念漂  
零之久方興遠樹三帟之悲拊疲瘵之餘更賴中流  
一壺之賜

與宣撫使開府啓

注安危之意有嚴制閫之雄布寬大之條猥預殿邦  
之重登龍已久附驥滋榮恭惟某官片言折千里之  
衝尺箠制四夷之命師行席上虜在目中借箸坐籌  
笑腐儒之敗事投戈下拜識吾父而自歸以一身進  
退之間為天下安危之繫不圖晚節獲預榮觀草木  
盡知其名益峻巖瞻之望藜藿為之不采庶全樗散



之生

與湖州守葛待制啓

脩香火之因以退安于散地奉璽書之寵遽叨復于  
通聯蕭然衰盡之餘沛若恩威之重恭惟某官雄姿  
英發妙智光明覽千仞而獨翔把一麾而坐嘯九萬  
里培風之背豈有遺蹤十二車照乘之光殆無偏矚  
不圖晚遇獲通鄰封終日効顰空慕捧心之美一時  
醜酒會收徒突之功欣頌之私占言難盡

回謝劉漕龍圖啓

伏審光奉帝綸肅將使指諫大夫伏蒲殿上方疏三  
接之榮部刺史埋輪道中又見十連之聳恭惟某官  
才高難用道大不容撞千石之鐘而噎于寸莛駕萬  
斛之舟而膠于尺水始矢謨於問陳旋賦命于乘輶  
龍馬負圖聯內閣邃嚴之直木牛輓粟皆太倉紅腐  
之餘方賜覲于中宸行亟躋于近列益隆雅望允副  
師言某偶叨奉于藩條竚仰瞻于金節尺書起廢固  
已賢十部之臨衰晚臥病乃獨有二天之庇

謝徐漕啓



奉祠真館方竊便安出殿大邦誤分憂寄願夷傷之  
未起匪衰病之能堪恭惟某官望重本朝才高當世  
舉行殿六師之次蒙左餐右粥之恩制一時萬貨之  
權極南暨東漸之境矧膺詔獎入覲清光某以非才  
叨塵巨庇欲通書而未果豈流問之敢先感頌之私  
占言難盡

回謝平江守胡舍人除待制啓

伏審詔發中宸寵褒舊德持甘泉從臣之橐首著籍  
于西清佩會稽太守之章尚偃藩于南服朝廷增衆

黨友交欣恭惟某官雄深雅健而語有令音博大高  
明而器止近用夙抱著龜之智蚤依日月之光咸陽  
奉錢獨贏于相國滹沱豆粥先饋于公孫殆茲大人  
利見之辰是謂君子光亨之始金貂七葉毅名已接  
于千齡門戶八簫富貴可量于異日敢意謙冲之過  
遽形流問之先聞風固已激衰懦之餘臨書莫能叙  
感藏之意

賀宰相啓

伏審詔發中宸寵還上宰兩、比泰符之象巖、具



維石之瞻八駭<sup>發</sup>之遠遊未還上方勤于北顧四國之  
流言既息人皆竚于東歸麻制甫傳中外交慶恭惟  
某官氣塞天地而無害謀質鬼神而不疑踐歷三朝  
始終一操戡劉大憝煥龍飛夾日之光酌斟化鈞極  
鍊石補天之巧爰出大將齋壇之節遂獻左相鼎席  
之尊注想深柱石之憂來獲後雲霓之望詔音數下  
使駟交馳趣鋒車而造朝揚大庭而作命皇天悔禍  
啓周成王定鼎而卜年戎虜革心見郭令公投戈而  
下拜千八百諸侯之國盡歸于帝籍二十四中書之

考獨冠于臣宗駿惠前模肇新邦命中興可待輿輪  
所期某技盡五窮咎深百謫所宜竄迹于蟲蛇之侶  
尚容接武於鴛鷺之聯以躡蹙于戎塵遂崎嶇于兵  
亂雖劇談世事見王導何憂而數蹈危機惟召平獨  
弔仰止大均之播俯加墜履之矜走慈母于下機孰  
不疑于衆訾援匹夫于擠壑終有賴于至公

回宋發運啓

嘗膽訟愆方受一屢之託循墻避寵莫申三命之恭  
襍被造官登車問俗十萬家已墮無何之境二千石



猶分共理之符伏遇某官盛德矜愚至誠樂善軫門  
墻之舊物尚追記于昔年悼江海之遺蹤久漂流于  
莫路墜尺書而借寵起衰病以增華戴二天之仁恃  
矜容之有素妙五雲之體但藏去以為榮欣頌之私  
占言難盡

鴻慶居士文集卷十四目錄

啟

回周解元啟

回吉州王守啟

回趙解元啟

回洪秀才啟

回胡糧科啟

回除守魏寺正啟

二



回宜黃鄧令啟

回沈解元啟

回葛教授啟

回方簽判啟

回許解元啟

回鎮江劉節使啟

回周解元啟

回徐守計議啟

回運使張直閣啟

回強守奉直啟

回莊守右司啟

回吳守啟

與錢守舍人啟

賀權守提舉啟

賀沈守到任啟

賀周守到任啟

回王倅學士啟

回王倅大著啟



回張倅寺丞啓

回向倅朝請啓

回陳倅朝散啓

回洪倅學士啓

回晉陵曹宰到任啓

賀梁守到任啓

回沈倅到任啓

回周主簿啓

回平江守蔣待制先狀

回提舉謝少卿啓

賀莫守郎中啓

回江陰運使趙學士啓

回武進馮宰到任啓

回梁倅到任啓

賀葉守到任啓

回郭守到任啓

回陳倅到任啓

賀劉守到任啓



鴻慶居士文集卷十四  
啓

回周解元啓

桑榆 晚自笑陳人鷄黍招邀但思故友敢求交一  
時命世之傑尚詘體諸生修贄之恭車轍在門文書  
銜袖判群言於三語窺小異于千人公是韓伯休耶  
莫如一覩竟識袁彥道否殆過百聞恭惟某官從之  
解元背世獨馳叔人共弃聲牙和寡礪砢交難空傳  
陽春白石雪之音莫解流水高山之意鄭人腊鼠通



國皆然葉公畫龍識真者少不謂勞薪之感自同投  
芥之機兩窮相遭一笑莫逆微言覺後固將俟一千  
歲之清妙語吹生自足勝億兆人之詛高情如此俗  
慮難量偶同殺氣之相求遂索形骸而罔間愧無瓊  
玖以報珍投但賦角弓以為永和

回吉州王守啓

擢須賈之髮方從溺簣之誅攬使君之鬚粗識撫箏  
之意念孤暗莫能勝一國萬人之詛而寸膠自足制  
九河千里之渾茲蓋伏遇某官存錄故交恢崇大惠

方伏枕對懸蛇之俎聊釋耒以自娛而亟書下羅爵  
之門遂攝衣而拜辱高義薄雲天之表正聲諧韶濩  
之音汰溷濁以揚清奮懦庸而起立張弓挾矢嘗觀  
白雉之翔戴笠東車尚記丹雉之祝窮途易感沒齒  
難忘

回趙解元啓

十年賦就蚤以文明九牧聲馳驟喧紙價有光帝籍  
遂秀儒林恭惟君拙解元文章玄豹之姿骨相蒼龍  
之種藉累世服冕乘軒之貴而自同于韋布起方丈



列鼎鳴鐘之族而不飽于糞塩如秋菊以療飢幼春  
蘭而為佩囊螢聚照摘葉記遺故紛然在群公子之  
中已卓爾冠諸老生之上旁觀血指汗顏之斲獨揮  
却日之戈下視搶榆控地之界忽展垂天之羽本初  
之徒不數自劬以下無譏薦目初傳輿情允屬盛服  
立公門之外孰為魯國之多儒奏篇陳乙夜之觀又  
睹漢廷之三道雅游之久賀問宜重紆緹騎之臨  
遠貽誨函之辱其為欣荷莫究頌言

回洪秀才啓

五色相宣眩若補天之石一鳴莫應鏗然擲地之金  
遠墜珍函俯膺大貺恭惟某人學問得師友淵源之  
自心期惟吾黨聲氣之求雖南北之方風馬牛不相  
及也而臭味一族磁石鐵猶有間焉計拙幾類于集  
枯書癖蓋存乎是古酒舉一尊而共盡待李白以細  
論詩傳四坐以皆驚聽許渾而有作

回胡糧科啓

三世清箱之學卓冠儒宗一時黃絹之辭具存家法  
函書臨授躡履趨迎繆膺先進之恭深切後生之畏



恭惟某官學窺聖域文挾國華重五十席于講肆之  
間奏三千牘于公車之下貴名日起一坐盡傾俊辨  
風馳萬夫皆廢家傳衣鉢回應在龍虎榜中世掌絲  
綸又將集鳳凰池上猶勞謙于下問欲弘益于多聞  
聆妙寄於哀彈雖粗識流水高山之意委殊珍于大  
貺終莫報明珠白璧之投感頌之私占言難盡

回除守魏寺正啓

戴望天之益未快昂霄之覩擁埽門之篲空懷按劍  
之疑遽流問以先之繫過聽之誤矣恭惟某官該明

古記允蹈先民訪南國之棠于斧斤殘敗之餘弔峴  
山之刻于兵火焚漂之後儒雅二賢之繼風流一代  
之宗覽故物以興嗟撫頽基而起廢鼎新舊觀駿惠  
前模草木欣榮山州川炳煥重以無窮之托屬于不  
腆之辭若鸞膠續絃之竒固未易得也而狗尾代貂  
之乏夫豈不誤哉承命靡遑臨書增愧

二

昔從郎吏嘗佐春官遯東之公敢謂陳人尚珣門生  
私謝之禮三十年恍如隔世八百氏存者幾人獨見



大賢粗免明月暗投之愧追懷故老可見青雲異日  
之心恭惟某官學邃而自得師文高而不近俗雖彤  
芝九莖之秀快覩宜先而朱絃三歎之音識真者少  
有來幣聘出應弓招三年不鳴固有待然萬選必中  
夫何疑者重勤簡記嘗預題評拜貺惕然為禮過矣  
窺豹孰知其大尚推子敬之賢見龍而懼其真自笑  
葉公之陋

回宜黃鄧令啓

自投黜闇莫望高明每想孟嘉之風流固應小異未

謝紫芝之眉宇空有此生遽膺代木之求大慰望梅  
之渴恭惟某官文傳家法學冠儒流居簡臨民燕坐  
得擁紬之佚正容悟物鶚林懷食甚之甘大啓黌宮  
作新俊造追蹤千載壯觀一時洋洋絃誦之音藉藉  
舞雩之詠偉矣大賢之事業蔚為多士之儀刑猥屬  
庸虛謬當紀次賦滕王之高閣輒援筆而不辭續淮  
西之仆碑但臨文而自愧

回沈解元啓

每傾遐想未卜前瞻繫國中寡和之音久抱絕絃之



歎而海內流傳之句獨先染鼎之嘗忽聆鈞天之奏  
合作于九成欲使屠門之嚼屬饜于一飽歡呼拜賜鼓  
舞和榮恭惟公序解元經述之遽該百家詩律之妙  
兼七子高深侔海岳懸牙籤三萬軸于胸中幽眇感  
鬼神奏錦瑟五十絃于筆下願屏處窮閭之陋亦剽  
聞高義之餘風馬雖不相接于殊方鷁蜃固自有同  
於舊識遽膺大貺遠墜雄篇恍如望洋者之眩迷津  
端若噉蔗然已入佳境盡發錦囊之秘驚窺金薤之  
華聯彌明石鼎之詩便當閣筆讀沈約郊居之賦謂

是知音欣頌之私占言難盡

回葛教授啓

箕斗之虛名偶然過聽珠璧之大貺率尔暗投汗集  
愧顏先生莫齒恭惟某官四海譽髦之士一時人物  
之宗秉青藜而讀書擁絳紗而授業舞雩高蹈跨祥  
鵬八極之遊理窟冥搜襲神龍九淵之會曲敦世舊  
見謂儒見先發重諾于千鈞溢高詞于兩喜寔大人  
先生之模範為小子後進之儀刑豈惟陳人獨膺大  
貺其為欣荷莫究名言



回方簽判啓

少狂而妄屢登搏虎之車老退而休遂返屠羊之肆  
豈謂莫府文書之暇首訪窮閭負病之餘拜嘉惕然  
過聽誤矣恭惟某官筆下探韋編之邃談端定肉譜  
之評出焦尾之木于爨薪而絙以朱絲起病顛之駒  
于下駟而縻之青路雖寒溫未接數日闕然而臭味  
相求一見決矣斷絃挂壁已絕意于賞音載酒隨車  
欲過門而問字即諧素願預激歡悰

回許解元啓

粉榆故里久已復于民編蒲柳殘年獨未書于鬼錄  
况一時之後重聯瓜葛而兩地之隔如望參辰恭惟  
某人學術皆有本原文章自應律呂聞暴公子之義  
空興見晚之嗟讀元道州之詩深切後生之畏首紆  
高躅申貺好詞壘、如炙輶之無窮混、若建瓴之  
莫禦老矣無能為也莫助一鳴眷焉何日忘之以為  
永好

回鎮江劉節使啓

伏審齋壇授鉞莫府建旄閩寄方隆國勢增重切惟



將相安危之繫良以君臣會合之難高帝嫚士而陸  
賈陳詩書之言孝公圖霸而衛鞅談帝王之道鬻冠  
適越操琴求齊據鞍拊兩髀而驚操紙感二毛而賦  
丹心猶在悼歲月之不留華髮半空悵功名之已晚  
恭惟某官著節艱難之際奮身徒步之中始悟意于  
一言遂收功于百戰黃麻誣告阜燾前驅草木之名  
江山改色逢辰若此振古無倫孰云千八百諸侯之  
多見謂三十六英雄之冠方脩慶牘首墜誨函隋珠  
分照秉之光為賜厚矣燕石論投瓜之報何愧如此

回周解元啓

誌幽堂之石方懷骭骹之慙墜記室之書遽沐褒嘉  
之寵溢言過矣愧汗泚然竊以字三鱣而製碑米千  
斛而作傳立道旁碣豈免愧詞諛墓中人遂非寔錄  
繫大孝有無窮之慕待斯文為不朽之傳雖兩地相  
望聞風有素而兼金不受授筆何嫌伏惟某人挺生  
孝秀之嫺淵獨冠賢書之首感風樹而千鍾之養弗  
汨御祥琴而三年之愛未忘將永賁於松楸宜大書  
于琬琰願匪黃陵之筆附韓子以知名庶幾峴首之



碑思羊公而墮淚

回徐守計議啓

命呂安之駕寧辭千里之遙臥陳登之樓何止一床  
之間不圖晚接獲預英游恭惟某官襲一經之訓以  
傳家屈千乘之尊而下士諸儒談道舍蓋叟于堂中  
五馬班春伺陶公于道上卷言貧病已迫衰殘早登  
相國之門雖屢擁膝行之簪晚適荊州之願方跪陳  
贄見之書忽紆汗簡之光采極背芒之負高論逼蛟  
蛇而起立英詞冠日月以爭光陳豢藹然勞謙過矣

顧老生陳腐之說敢申拔薤本之規繫流年晚晚之  
餘但有分棠陰之意其為欣幸曷究頌言

回運使張直閣啓

解楚囚之冠偶遂乞憐之請抱漢陰之壑茲惟待盡  
之時屬開登車攬轡之初空懷擁篲埽門之意恭惟  
某官疏通不器深厚而文乃眷全吳之雄暫付外臺  
之寄埋輪一于道上方司三尺之平列萬舸于潭中  
坐致千倉之富曲存留落遠墜誨音繆當銀筆之題  
縉過袞衣之寵縱軀委命自從莫鳥之遊掉屈哀窮



莫戴丘山之重

回強守奉直啓

凭熊軾而驅方切仰高之慕臥牛衣而泣莫申事大  
之恭敬謂漂流契闊之餘尚存撫奄矜存之意恭惟  
某官七朝儒學一世吏師萬乘之器晚成千歲之姿  
難老爰屬下車之始遽切求舊之先著履歡迎詎知  
折齒撫箏歎詠殆欲挽鬚高節邁倫衰病增氣諸儒  
談道所願陳蓋公清淨之言小子學詩猶能賦王褒  
中和之頌

回莊守右司啓

七月到任正  
大旱中得雨

書名罪籍久謝軒裳竄迹窮閭遂編農圃追南柯之  
夢悟破甑之已空瞻北斗之高知戴盆之難望茲益  
伏遇某官金馬石渠之彥鸞臺鳳閣之英入陪帝席  
之前出殿候藩之重仁風揚扇折中山千日之醒甘  
雨隨車溉桑林七年之旱首紆柔翰申貺好辭擲地  
作金石毅濕紙皆冰雪語哀憐故物辱在泥塗振拔  
危蹤援之溝壑道逢醉尉願常懷訶罵之虞天惠仁  
侯詎復興鄙夷之歎其為欣幸莫究名言



回吳守啓

勾吳泰伯之祠血食如在延陵季子之墓封樹固存  
雖桑田已化滄海之塵而闔閭尚帶松江之水眷此  
一都之會介于二邑之間恭惟某官故國之世臣本  
朝之循吏昔鼻祖稱冠百王之表令耳孫猶存三讓  
之風指若里之社宛然視所憩之棠沃若九芝塗詔  
三祖過家周覽四郊皆青氈之舊物獨餘一老鬢白  
首之遺民欣頌之私占言難盡

與錢守舍人啓

制碧海之鯨一時獨步暗青雲之雉十月爭先逮茲  
叱馭之初居有洋洋之歎恭惟某官文高兩禁學邃  
群書視草北門臥八埒之日剖符南服揚一扇之風  
秉節尊塗褰帷問俗扶藜來聽空巷相登願執鞭從  
尚作楚囚之泣許著帽進庶寬齊緩之誅欣頌之私  
占言難盡

賀權守提舉啓

百舍歡迎大慰來思之詠一塵幽屏未降既見之心  
恭惟某官應五百歲大賢之生分二千石刺史之重



雖鞭執之慕固非一日而操籌之見獨後衆人心渴  
塵生背寒芒負豈惟燕雀同欣賀慶之成固有鷓鴣  
獨喜巢枝之北其為欣悅莫喻名言

賀沈守到任啓

候館占天方驗使星之出斗城分土又觀卿月之升  
共興降晚之嗟舉有來籟之喜恭惟某官東陽世胄  
北斗人豪風流追八詠之餘儒雅繼五賢之後三刀  
夢協千騎鼎來仁風授扇而行甘雨隨車而至解陳  
分之榻誰為孺子之獨登賦梁王之園豈恨相如之

未至

賀周守到任啓

傾北海之尊嘗分光于一日擁東方之騎亦均覆于  
二天眷幸會之非常喜餘生之有托恭惟某官先賢  
世胄今代人豪公瑾之英烈尚存伯存之風流未泯  
百年垂裕千里蒙休輟神館之清資付專城之重寄  
群兒爵躍已大喧騎竹之迎一老龍鍾猶能追拔薤  
之隱即諧瞻拜但切欣愉

回王倅學士啟



蚤紆郡紱尚記褚褒半面之薪晚臥民間真同夢得  
九年之謫逃空已久集菟何由笑昨夢之已非張奮  
遊之安在茲蓋伏遇某官孤風立懦大惠哀窮屈別  
乘于一障之間訪故交于百罹之後尺書慰籍里俗  
驚觀雖雁鷺何有于去來而金石不移于燥濕九霄  
之路莫瞻鳧舄之飛翰十襲之藏永秘驚經之妙墨

回王倅大著啓

盛名之下久矣服膺老病之餘頽然待盡自非素席  
門墻之舊豈敢遂陳干牘之私茲蓋伏遇某官躬厚

德以鎮浮墮高文而起廢想鈞天之夢恍聞金奏之  
音騰織女之箱絢若星圖之爛闌管詎償于快睹搖  
旌深極于坐馳安用賦著書賦九年之謫便當搶酒  
分一日之光感頌之私占言難盡

回張倅寺丞啓

張自言曾夢東坡先生與時宰有故

雲霓之夢久矣方興來慕之謠桑梓之敬缺然未快  
爭先之睹敢圖挹損尚軫衰庸恭惟某官精神交海  
內之宗聲名動天下之宰肆求善類丕闡斯文雖北  
際南重判若辰參之異而東傾西應自同肝膽之如



屈高誼于一紙之書訪陳人於三家之市謁如雲  
之態度已立見于囊中濯<sub>々</sub>似柳之風流會意求于坐  
上其為欣幸莫究頌言

回向倅朝請啓

望切雲之觀居有絕塵之歎操順風之簞尚稽贄見  
之恭屬分領于郡條已大謹于輿誦恭惟某官心存  
泛愛義不遐遺訪故侯于廢錮之餘追前哲金不渝  
于燥濕重勒緹騎遠墜誨十襲珍藏已眩巾箱之富  
一尊燕語佇分燈燭之光欣愧交懷占言難盡

回陳倅朝散啓

除書初下見梁木之有依刺字已漫望舍門而未埽  
空懷慙于不敏遽馳義已相先恭惟某官豈弟宜民  
勞謙下士暫駐松楸之國寧論枳棘之栖別乘鼎來  
坐龔黃而共理鈴齋坐嘯仰岑范以蒙成父老歡呼  
里閭驚聳據大床而高臥方觀一世之豪下懸榻以  
起迎敢玷諸公之右

回洪倅學士啓

洪兄弟同  
除正字

蓬萊方丈早窺雙壁之連雲夢南州又見一枝之秀



顧服膺之已久念脩贄以無因恭惟某官文中兩科  
聲馳九牧倚牛角而獨唱和者幾人跨鯨背以遠遊  
超然萬里陳義振哀窮之患占書以起廢之文末路  
增光衰顏動色誦佳句于百寮之上固已習于剽聞  
識小異于千人之中獨未先于快睹

回晉陵曹宰到任啓

投昇窮陬僅存殘息追懷故友但有宿心竊聽下風  
佩腰章拊松楸之國方修斂手板土上日斂手板修  
桑梓之恭惟某官學冠時髦行為世準太廟龍文

百斛之鼎東序蒲牛千石之鍾雖一時共推華國之  
文在三尺猶累長民之寄鳧鷖之行序進豺狼之路  
當前起彈柱後之冠自執太阿之柄佇聞治狀俯慰  
民瞻某晚餘生栖遲末路托一雷之土幸分河潤之  
餘墜五雲之書更被袞襮之寵其為欣荷莫究名言

賀梁守到任啓

四海聲名夙著宗儒之望一時人物獨高政事之科  
方啓共理之求允屬承流之寄恭惟某官勞謙下士  
居簡臨民哲文王之蓋臣豈弟古之良吏擁東方之



騎已大慰于遐瞻憇南國之崇宜少留于高躅觀二天之風采溢千里之春聲自憐投老之餘獲占分光之地繫大賢之高致奚俟先游綴賀客之下陳自慙末至

回沈倅到任啓

坐井而窺那能見大面墻而立祇自書空欲詢元禮而素無通家之因未識魯山而空有此生之歎居切畫龍之慕莫申執鴈之恭惟某官養義之氣浩然命世之材卓爾位上大夫之列盡專右省之車分半刺

史之權尚擁治中之駕不圖過聽之誤遽形流問之先妙語垂褒朽質增重惟清廟璵璠之器方當待賈之初而窮途枳棘之栖乃有分光之幸其為欣頌難盡名言

回周主簿啓

望堯堦八彩之光親承大問陳漢廷三道之要遂決殊科士歆稽古之榮朝有得賢之慶伏惟新思主簿妙質備琳琅之美瑰材挺梁棟之資金薤千萬篇而百神所司銅柯四十圍而九牛莫挽夙富博大淵源



之學發為雄深辨麗之詞切中事情非老生常談陳腐之說工言治道寔生民一時理亂之機甫上奏篇遂闕一覽榮升吏籍光動儒林不圖謙得之隆俯墜誨函之辱射東堂之策雖詔墨未乾校中書之文而徵書可待其為欣頌難盡名言

回平江守蔣待制先狀

伏審某官剖符南服獨惟蘓州刺史之賢持橐內朝亟濟甘泉法從之列方郵命流傳之始寔鄉扮瞻望之華願敢後于鳧趨將俯申于燕賀第深喜忤莫聲

言宣

回提舉謝少卿啓

入司帝籍蚤觀卿月之升出按藩條又快使星之睹竦百城之風采馭六轡之光華恭惟某官文追古作者之風名出見大夫之右肅持使節誕布王靈攬澄清之轡而澄清之路一空校紅腐之粟而雀鼠之輩幾盡平頌賦政直持宣威已乞外庸即膺大任某逖聞新命倍激歡悰方脩贄見之恭亟拜函書之辱門雀在望固無千里命賀之遙河葦可航庶有一日分



光之幸

賀莫守郎中啓

雅志倦遊久厭承明之直上恩佚老遂分刺史之符  
恭惟某官德配先民材稱循吏握蘭華省共歎即潛  
剖竹名城徒得君重除書甫下輿誦歡騰千騎班春  
坐愒棠郊之廕一塵受地方脩梓里之恭

回江陰運使趙學士啓

名聲籍甚何止百聞文義卓然遂快一覩眷褒揚之  
非擬顧衰陋以無堪恭惟某官理窟洞天人精侵之

交詞鋒出筆墨畦徑之外擊尊歡呼自中宮商落紙  
從橫盡成黼黻何言誤聽遠墜珍投被千金以屠龍  
久懷竒而未試挽六鈞而射鼠知用之甚難探古  
錦而一窺拊朱絃而三歎攘之離之臂自喜爭先畫  
渾沌之眉空慙借重

回武進馮宰到任啓

海寓共推嗟來莫矣里門初下喜聽斐然念耳熟于  
百聞會意求于一睹不可尚矣坐尚客儻真是乎又  
何疑焉名下是蓋不虛爾恭惟某官朝野著士名之



望鄉閭擅人物之評納萬頃于雲夢胸破大觚于霹  
靂手方校官於巖邑已加惠于陳人首墜函書重紆  
衡蓋琢竒句于朧月天心之上駕衆說于金口木舌  
之中遠追二嗟之音高儷九成之奏周章拜貺衰朽  
增華函牛之鼎烹鷄固已乖于用大炤乘之珠彈雀  
空自抵于暗投頌詠之私占言難盡

回梁倅到任啓

津亭弭幟首紆衡蓋之臨記室占詞又拜函書之辱  
謙光委照朽質增華恭惟某官鳴珂里故相之家通

德門大儒之胄收槐坐之劔履而具存祖烈傳鳳池  
之毛骨而綽有父風見謂佳公子之賢暫分半刺史  
之重未展西極追風之足尚淹南冥擊水之圖題別  
駕之輿方資于共理持從臣之橐行副于詳延馳頌  
之私占言難盡

賀葉守到任啓

縉雲故地昔真仙冠劔之藏金斗名城今天子股肱  
之郡建雄殿東藩之屏通殊鄰地道之輶方疇咨選  
慎之艱一寔麾鎮臨之始恭惟某官名重文章之選



才高政事之科操龍伯之鈞而六鰲連奏神屠之力  
而萬牛解蕭望之補外姑歷試於百為汲長孺居中  
佇流榮于三接某聞風奮矣試芘云初自惟殘年衰  
病之餘况復末湮淪之久距一舍之阻尚未耻金玉  
之音仰二天之臨已大慰雲霓之望

回郭守到任啓

懸車久矣聽履跼然擁篲膝行固盍展崇郊之謁衝  
書贄見又當修梓里之恭衰晚臥痾椎鈍廢禮第聞  
親政共激歡悰恭惟某官循良慈惠之師碩大光明

之桀學稽古誼識洞幾先解絃豈膠柱之調奏刀有  
破竹之易惟凋郡百孔千瘡呻吟之後亦下田十年  
九潦飢饉之餘所恃仁賢揚一扇穆如春之風庶疲  
瘡五袴燠若冬之日方裁慶牘已墜珍函三過讀  
而增衰病之華十襲藏而益巾箱之富已動千里共  
戴襍刺史天尚有一塵更為李將軍地

回陳倅到任啓

負耒歸田有愧上床之問臨門墜刺竊欣下榻之迎  
故嘗耳熟于百聞今幸目成于一眄恭惟某官太丘



盛德之裔宗寧遺直之家擅海內之名客蒙驚坐之  
自宰天下之志衆推分社之驚均褒崇擣黼黻之章  
光寵賁衡茅之陋雖非朱陳昏姻之故素交元方兄  
弟之賢不謂投老殘年衰病之身復覩角立特出譽  
髦之士結門外之轍已諧求友之歡賦并眉之併庶  
獲賞音之遇

賀劉守到任啓

辭榮禁路歸老窮閭望長者下風雖未諧一日登龍  
之願陪先公高躅嘗叨三日朝從橐之聯多難深零

流年晚晚柳儀曹之先友今有幾唐正元之朝士已  
無多豈謂死生契闊于三十載之際復見老成典刑  
于二千石之重恭惟某官抗高明而絕塵矚若剗盤  
錯而游刃恢然分北顧宵旰之憂把一麾而去國付  
南渡保釐之託擁千騎以臨州共興耒暮之謠咸快  
爭先之睹自惟悼耄之年重盡弗泊于駿奔庶幾宿  
昔之契未忘俯深于燕賀



鴻慶居士文集卷十五目錄

啟

回王倅賀冬啓

二

回趙倅賀冬啓

回平江趙倅賀冬啓

回兩倅賀冬啓

回強守賀冬啓

二



回莊守賀冬啟

回吳守賀冬啟

回錢守賀冬啟

二

三

四

回江陰趙守賀冬啟

回王倅賀冬啟

回晉陵黃令賀冬啟

二

三

回沈倅賀冬啟

回鎮江劉都統賀冬啟

二

三

四

五

六



七 八 九

回梁守賀冬啓

回無錫馮宰賀冬啓

回莫守賀冬啓

二

與鎮江劉都統賀冬啓

與梁倅賀冬啓

答葉守賀冬啓

回郭守賀冬啓

二



鴻慶居士文集卷十五

啓

回王倅賀冬啓

望金谷之塵固非一日僦少麻之壁亦復累年莫伸  
與梓之恭奚道負荆之咎茲蓋伏遇某官情高瞰日  
義薄層雲悵墜甑之空已同棄物軫遺簪之舊終不  
忘情屬君子之踐長悼孤生之永已千鈞借重俾蟠  
木為先遊之資一語吠生謂死灰有復然之理其為  
欣莫究名言



圭景迎長珠星紀瑞推筴啓千齡之運拔茅連衆彙  
 之興恭惟某官儒學發身三冬足用靖恭介福七日  
 朋來茂對休辰寵綏故友加惠桑榆之晚甫憐鍾漏  
 之餘文摘白雪之詞韻中黃鐘之律幽懷破散穆如  
 負日之溫病目驚窺絢若瞻雲之爛莫馳慶謁第激  
 歡悰

回趙倅賀冬啓

老將及耄不知遷<sup>歲</sup>月之遷性不便書莫致寒溫之問

屬時君子膺彙征之吉但有野人分芹獻之心茲益  
 伏遇某官利器沉潛聲章炳煥晞髮無扶桑之日本  
 自于天來濯足滄浪之淵尚從于地控屈臨邦屏分  
 布郡條眷言一人之餘光奔五雲之妙誦言穆若殆  
 仁風揚紈扇之間玉色鵠如正落月滿屋梁之上

回平江趙倅賀冬啓

璿璣觀象仰占星昴之中鍾律導和俯驗泉萌之動  
 順履一陽之復茂膺五福之綏恭惟某官喬嶽儲靈  
 猗蘭毓秀鬱<sub>々</sub>五雲之氣盡隆準之子孫落<sub>々</sub>萬人



之英豈重瞳之苗裔羲和文盡泰天統乘乾出逢熙  
洽之辰坐擁鴻龐之祉敢圖眷獎尚軫衰遲來日無  
多猶丈一戈之欲溺灰欲死詎堪六琯之吹

回兩倅賀冬啓

星東壁而昏中日北陸而短至屬方群陰作沴之始  
已兆三陽交泰之期恭惟某官心平而行高才全而  
德巨鳴中律呂白可吹生燕谷之中語帶煙雲固應  
紀瑞魯臺之上齋心跼誦稽首拜嘉穆如挹冰有挾  
續之溫恍若覆盆委分光之照其為欣幸莫究頌言

回強守賀冬啓

土圭測景鍾律均聲羲文占七日之亨漢曆表三辰  
之瑞恭惟某官游夏淵源之學龔黃慈惠之師具萬  
善而齋百神訶順護一陽而復五福朋來燕寢凝香  
鈴齋坐嘯願憐衰謝申貺頌言迎愛日之長已踐化  
人之國快景星之睹遂窺刺史之天

二

雲師書物日御迎長以兆氣元遂正律本恭惟某官  
學王者之事值聖人之時謝吏部之文章二百年無



此作矣李將軍之才氣萬戶侯豈足道哉逮茲淮陽  
臥理之秋以訖宣室受釐之對鳳鳴十二坐迎交泰  
之期鵬擊三千亟觀遠大之業

回莊守賀冬啓

六琯吹葭嶰簫應律五文刺繡圭景迎長恭惟某官  
履七日之休展陪千齡之興運分符共理蚤䟽三接  
之榮拔茹同升坐擁朋來之福眷言衰謝首被顧存  
委大貺于窮途抒高情于麗藻黜如逃谷共分一日  
之光迫若觀臺獨現五雲之體

回吳守賀冬啓

魯臺之望占祥嶰谷之鳴應律雖三尺之冰厚繫衆  
陰凝沍之時而一寸之暉長寔萬寶欣榮之始恭惟  
某官挺生者哲出應昌期萬室連甍擁袴襦而詠千  
畦接軫賣刀劍而耕諸縣豐登四郊清謐泰壇展案  
方迎天地之休宣室頒釐行奉鬼神之對

回錢守賀冬啓

天正著統陽德離潛黃宮調六氣之元清臺表三辰  
之瑞恭惟某官學惟古訓道與時行盛大光明接千



齡之熙旦竒龐福艾擁百順之鴻休方膺共理之求  
已促追鋒之召感寸陰而惜日喜添綵線之長待甘  
雨以為霖行被袞衣之拜

二

六琯鳳鳴奏伶倫之律五星珠貫符太史之占一德  
撫辰群公受祉恭惟某官進非師錫出為時須秀鍾  
河嶽之靈氣塞堪輿之大賢如趙成季熙冬日之  
溫文似張水曹藹春雲之態時乘豐大順履洪龐  
千騎森然方擁馮熊之貴一翁耄矣空懷賀燕之私

三

衡古仄仰瑄候葭飛衆士上行百神來燕恭惟某官  
名高哲艾文擅詞宗見王千里而來獨出漢諸臣之  
右舉固一人而已孰謂魯真儒之多親值聖時具膺  
吉祿膺蔭堯雲之潤寧煩臺提之占瞻舜日之華奚  
俟土圭之測

四

六氣宣和八風順序聖人觀象見天地之心君子安  
身待陰陽之定恭惟某官道尊而日損德進而時行



綸閣紉紅藥應五范之妙斗城問俗彤檐煥三組之  
屬滎陽德之離潛宜陰靈之薦祉方興未艾與日俱  
長俾壽而昌逢辰茲始莫申慶謁但極歡悰

回江陰趙守賀冬啟

灰心久矣不復競辰暴背欣然未忘愛日忽墜緜袍  
之信有踰袞服之華恭惟某官建牙當七十城剖竹  
猶二千石儲休帝籍挺秀儒林玉具高挂願真江山  
風月之主金印大繫肘寔巖廊柱石之姿履華但之  
休明悼窮交之濩落剖雙魚之尺素空慙強食之言

分九醞之霞觴應笑獨醒之陋

回王倅賀冬啟

惟宮瞻紫燎之升緹空候泉萌之動煒燁離明之旦  
龐鴻解雨之恩恭惟某官出逢君子之時夙蘊大賢  
之業密庸姚畫千里仰成分布寬成一堂坐嘯履茲  
陽復茂擁神休宣室受釐行促追鋒之召窮閭埽軌  
空懷賀厦之私

回晉陵黃令賀冬啟

日行北陸之次兆群陰聽退之祥星占東壁之中繫



盛德光亨之始恭惟某官袖牛刀之手安鸞棘之栖  
履茲陽復之辰茂介朋來之福吹溺灰于欲死溉病  
木于重枯豈復小民惟祈寒之怨有同野老負爰日  
之暄感頌之私占言難盡

二

紫壇之燎升方承大祭黃鍾之氣應以召太和恭惟  
某官重學三餘逢辰一旦雖後凋之操丕改于炎涼  
而拔茹之速自同于消長茲陽復宜與時亨當為  
傳說之霖起副蒼生之望猶有趙衰之日空遺故友

之思

三

斗柄北旋陰凝而涸日車南指陽復而升恭惟某官  
秉心有執德之堅適變得隨時之義自臨鄉縣衆謂  
賢公已應虞書三老之文更遇羲文七日之吉全和  
氏之璧而去何喜如之彈貢公之冠而来自今以始

回沈倅賀冬啓

候一寸之陰占四分之曆寔陽德離潛之始繫天心  
籲俊之初恭惟某官德日進而又新福川增而方至



豫州半刺史索高國士之風魯國一真儒宜冠廷臣  
之右逢辰休顯錫羨鴻龐鳴玉趨紫宸之朝寧有騷  
人之感擊鐘應黃宮之律佇觀君子之亨

回鎮江劉都統賀冬啓

時乘玄駱氣兆黃宮占昏旦以候軫壁之中謹蓋藏  
以待陰陽之定恭惟某官得一編書于神所投出大  
竒計而世莫聞控帶二江猶傳鐵甕折衝千里是一  
金城履茲陽復之辰宜介朋來之福追鋒亟去行超  
三衛之雄授鉞重来更摠十連之重

二

一德時升繫上將逢辰之始三徵氣運宜百神薦祉  
之多恭惟某官威名攝鳥鼠之戎圖畫冠麒麟之閣  
一戈卻日天地與之低昂萬馬追風山岳為之頽仆  
履茲陽復生擁神休望金谷之塵遙想盍簪之盛臥  
漳濱之疾莫伸賀履之私

三

嶰竹十二筩以製律本而鍾聲出應土圭尺五十以  
求地中而綿景迎長恭惟某官握虎豹之韜摠貔貅



之旅跨追風之驟超月窟以窮探乘問漢之槎挽天  
河而一洗逢辰休顯受祉鴻龐魯臺之雲坐見葱  
之氣望長安之日行瞻穆之容欣頌之私敷宣莫  
罄

四

肇一氣之元正八風之序日居木上逮休復之祥雷  
藏地中寔奮預之始恭惟某官山西將種十北人豪  
三令之行凜如負雪之嚴一怒之威若迅雷之震  
勤勞百戰感會千齡方剛德之浸亨宜龐禧之攸降

出分帥閫秉大將鈇鉞之權歸護殿巖正祈父爪牙  
之命

五

擊金鍾而効氣定五日之中比玉琯以考穀正八風  
之序恭惟某官尊俎厭未行之難鼎鐘銘不賞之勲  
當大人繼照之明應君子彙征之吉帝寬憂顧神聽  
靖共受祉未可量逢辰自今始聞鼙而思將師佇觀  
祈父之歸羞蘋藻以薦王公聊致野人之獻

六



太初更漢曆之元招搖紀夏正之月道隨剛長福與  
時升恭惟某官四岳藩翰之臣萬夫貔虎之帥殺名  
震夷夏忠義貫神明方一陽氣運之初寔衆正上行  
之日六蠹啓重侯之賞已登將聞之崇九芝塗細札  
之書行踐樞庭之拜未遑慶謁但激歡悰

七

晝參日表夜考星中八能之士板書以奏五音二重  
之室緹縵以候一氣恭惟恭某官生孟陬庚寅之日  
應上元甲子之辰迎連珠合璧祥擁錫盾瑠戈之貴

名參柱石功載旂裳常魁然北斗之豪以摠便藩之  
重踐此日南之慶亟趨帝席之前

八

距門墻不能百里違旌祭亦復累年忽驚紀律之新  
又見陽明之復恭惟某官受天大任秉國中權入扈  
殿巖擁漢將南北軍之重衆出搃戎索陳楚師左右  
廣之容逢浸明浸昌之辰介時萬時億之祉望青油  
之幕想見元戎壽筭之飛述銀筆之辭聊効野人食  
芹之薦



黃宮之氣應方調  
嶰竹之音紫壇之燎  
升首被蓼蕭之澤  
恭惟某官浩、稟堪輿之氣  
英、鍾河嶽之靈  
會天子躬三歲一郊一儀而上將擁七月朋來之福  
端闡發號宣室頌釐鴻名增帥聞之崇細札奉璽書  
之寵自笑匏瓜之繫莫預榮觀但有野芹之甘欲分  
貴獻

回梁守賀冬啓

五勝相乘三徵始著  
肇見陽明之復用符剛德之亨

恭惟某官道術通明  
器資淵博兼文學政事之選  
益聖人之徒與為循良  
慈惠之師繫大夫之賢者逢辰  
茲始處顯宜先泳年光如化國之長寧  
湏測景摘墨妙有卹公之體  
奚俟占雲輿頌所同空言難叙

回無錫馮宰賀冬啓

一氣默運泉萌動而陽升  
諸朋福來茅茹連而彙進  
恭惟某官靖共居位愷悌  
宜民雉出桑間已著仁賢  
之治弦鳴堂上更收清靜  
之功剛德浸亨藩釐紹至  
撫一雷之土共觀鳧鷖之飛  
履七日之辰佇見龍梭



之起

回莫守賀冬啓

星圖表瑞占五緯而睹珠連律本均殺製六琯而聆  
鳳吹恭惟某官一朝人傑百世吏師華省望郎斗城  
良牧暫輟遂嚴之直來獲凋瘵之餘化國舒長逢辰  
茲始魯侯燕喜受祉難量自嗟匏繫之生莫預觴行  
之列其為欣頌曷究名言

二

漢曆授時紀上元之次羲經畫卦為來復之初恭惟

某<sup>官</sup>經濟之材將膺帝賚中和之政自與天通梅載華  
如紺碧而發于莫春露薦降始飴甘而零于午夜嘉  
禾合穎瑞麥兩岐屬當七日之休辰通契千齡之興  
運以天公降祥之婁奚俟占雲而使君報政之成行  
當就日其為欣頌難盡名言

與鎮江劉都統賀正啓

吹比竹而音諧布重緹而氣應三徵著象五緯宣光  
恭惟某官萬斛巨川之舟千雉大邦之屏手扇揮羽  
扇舟中敵國何有哉坐擁戎旃席上過師乃如此履



休明之盛旦介億萬之龐禧疇衛社之勲行布白麻  
之號享銷兵之福遂臻黃髮之期欣頌之私占言難盡

與梁倅賀冬啓

吹比竹而音諧縵重緹而氣應三微著象五緯宣光  
恭惟某官一門萬石之家四室五公之胄印金斗大  
珥玉蟬聯累朝開閱之華奕世衣冠之望來展赤驥  
追鳳之足尚淹紫鸞止棘之栖屬天公籲俊之初屆  
陽德離潛之慶於時測景方加刺繡之長遂將披雲  
大慰頌葵之望其為頌莫罄敷宣

答葉守賀冬啓

調六律之音天統冠三正之首辨九章之序羲文占  
七日之祥恭惟某官稟間氣而生應昌期而出刺史  
之天大奚煩補石之工化國之日長自笑卻戈之陋  
仰睇魯臺雲物之瑞寔應商巖霖雨之求一陽進而  
道與時行衆正興而福祿類至晝室應圖而龍見行  
綴甘泉法從之聯尚方賜履而鳧飛已著方丈真仙  
之籍共為瞻頌難盡名言

回郭守賀冬啓



三正冠天統之元七日驗陽明之復離潛而現寔大  
人繼照之初鳳覽輝而翔應君子彙征之吉恭惟某  
官德由日進道與時行倬彼雲漢之章爰告魯臺之  
慶薰然慈仁之德聿資周翰之良歲美人和政平訟  
息盍奉追鋒之始亟歸調鼎之司人望既孚師言  
惟允某屬有魚菽之祭于先人敝廬之下莫申燕雀  
之賀于使君燕寢之前第賡擊壤之謠聊復効食芹  
之獻

二

一氣旋宮八風協序三徵始著百順皆來恭惟某官  
挺松栢歲寒之姿鍾河嶽英靈之氣行藏體聖人之  
道顯晦得君子之時當飛龍利見之初應拔如彙征  
之吉天衢聽履追祥鵬九萬里之程燕寢傳觴慶蟠  
桃三千年之會



鴻慶居士文集卷十六目錄

啓

回王倅賀正啓

二

回向倅賀正啓

回張倅賀正啓

回平江趙倅賀正啓

回強守賀<sup>正</sup>啓

回莊守賀正啓



回趙倅賀正啓

回汪倅賀正啓

回錢守賀正啓

二

三

回江陰趙守賀正啓

回晉陵黃令賀正啓

回沈守賀正啓

回周守賀正啓

回平江胡司法賀正啓

回鎮江劉都統賀正啓

二

三

四

五

六

七

八



九

回無錫馮宰賀正啓

回莫守賀正啓

回宜興陳宰賀正啓

與莫守賀正啓

與鎮江劉都統賀正啓

回葉守賀正啓

回郭守賀正啓

二

鴻慶居士文集卷十六

啓

回王倅賀正啓

桑田蕪漫忽揚東海之塵蒲柳衰殘已迫西山之景  
 壯心空在來日幾何履茲潛陽出滯之辰舉有除書  
 布新之喜恭惟某官秉時顯晦玩世徜徉歌生民嗣  
 歲之興應大有自天之吉朋簪四合風流栢葉之觴  
 句法一傳妙絕椒花之頌每興懷于故友久編籍于  
 遺氓速墜函封增光莫齒雍容豎上那聞捩馬之鳴



翫醜門旁自笑桃符之換

二

椒盤嗣歲讎鼓送寒茲惟萬寶趨新之時獨見故人  
求舊之意恭惟某官秉心直諒蓄德輝光儒雅吏師  
風流別駕日行黃道盍趨鷓鴣之行風振紫山高琢  
嬰花之句恭承嘉惠重以好辭賦谷風之三章度陽  
春之一曲欲回殘稿復被青黃老病摧頽莫預董秦  
之奉悲歌慷慨空傳宗武之詩感愧交懷占言難盡

回向倅賀正啓

四序更端二儀交泰接千載題期之盛宜羣公受祉  
之多恭惟某官明哲保躬儒雅飾吏順履天正之吉  
密迎神貺之休椒頌傳聲莫預一觴之薦鋒車趣召  
佇觀三節之趨

回張倅賀正啓

甲子太歲

天德更端人正肇序清臺課上元之曆方呈珠璧之  
祥絳人推甲子之年遂軫泥塗之辱伏遇某官高文  
起廢妙語噓枯大聲追木鐸之音絕唱儷陽春之曲屬  
介頌椒之慶載賡伐木之詩眷茲衰朽之餘被以青



黃之飾高懷落落曲敦耐久之情老語諄々但有流  
年之感

回平江趙倅賀正啓

日薄西山已迫桑榆之晚春回北斗又觀椒柏之新  
茲蓋伏遇某官德厚鎮浮道直矯枉惟下俚炎涼之  
態每形于令尹三仕三已之間而故交久要之情獨  
見翟公一死一生之後敢圖衰繭猶被顧存垂褒華  
之章衰加賁緋袍之舊老冉冉而將至空驚嗣歲之興  
物欣々而向榮已被先春之暖

回強守賀正啓

太史書元上經撰泰三朝謹始萬寶趨新恭惟某官  
魯國真儒漢京循吏特達李將軍之勇一諾可重于  
百金妙絕張公子之詩千百固輕于萬戶蓋聲氣相  
求于一道故升沉靡間于殊途殆茲歲序之更獨見  
人求之舊賦椒盤之頌莫瞻列炬之光分棠之陰  
亦預春班之澤

回莊守賀正啓

五勝代興既周必復一元更始以故為新賢德所臨



春祺攸介恭惟某官碩大光明之傑循良慈惠之師  
二千石班春占土牛而得歲五百年任世摩銅狄以  
興嗟履運中興逢辰交泰一城嘉色欣々上旄羽之  
塵四野春敷藉々袴襦之詠其為占頌難盡名言

回趙倅賀正啓

莫景飛騰自遂桑榆之暖風光流轉又驚椒栢之新  
署新桃以禦不祥掀槁壤以求如願未能免俗且復  
効顰伏遇某官順履昌期寵綏故友一言起廢奮百  
蟄于坯土之中老物增華茁九芝于枯槎之上

回汪倅賀正啓

蓋茆容膝面壁觀心不知晦朔之遷但覺暄寒之異  
圖鬱壘之象莫驅五鬼之窮進屠酈之坯豈恨一翁  
之後茲蓋伏遇某官收憐衆棄矯拂群庸方當嗣歲  
趨新之時獨見懷人求舊之意疾風拔木勁草之立  
歸然烈火流金韞積之藏自若重遺緘翰申貺頌言  
蒲柳餘齡方受之託瓊瑰妙語空留十襲之藏

回錢守賀正啓

頽齡餘幾見謂陳人端月載臨尚修故事門符執厲



方懷鬱壘之求齊釀先春遂解臺船之崇恭惟某官  
威風惠氣舒慘一方大冊鴻文芥藻萬物著槿帽而  
搗羯鼓桃杏驚開叩羽絃以召黃鐘川池凝涸肇履  
三正之吉大均千里之釐固舒從公共分一日况復  
如我獨有二天莫副願言但深欣頌

二

四序密移物無終否三微浸大福有朋來恭惟某官  
躬成明之姿撫休嘉之運九歌由勸每懷天保報上  
之心衆正彙興共享既醉六平之福逢辰茲始稱壽

宜先自憐幽屏之餘莫預駿奔之數獨無高論進輸  
投薙之忠尚有寸誠堪賦頌椒之什其為欣誦莫盡  
名言

三

夏時御正周曆更端首三統以承乾交二儀而盡泰  
恭惟某官介藩均佚祕殿紬書順履三朝親逢一旦  
日月十二會已符營室之占春秋八千年宜介椿大  
之壽方修慶牘遽墜嘉音雖涸輒垂枯久後臥龍之  
起而孤根欲朽空觀萬木之春



回江陰趙守賀正啓

門垂葦索盤頌椒蕃星回斗野之杓春入練江之色  
恭惟某官才高帝胄名著吏師与庶民共楚臺之風  
得賢者樂齊宮之雪道載土牛之出遥知卿月之臨  
門闐樞馬之喧空想德星之聚方紉履新之慶尤深  
懷舊之私黃絹占詞白衣載酒渴心不展莫預西園  
飛蓋之遊食指可占詎有北海空尊之嘆其為欣頌  
莫究敷宣

回晉陵黃令賀正啓

周星既復端月初臨核桃梗以厭天行節土牛以戒  
農事恭惟某官獨高政事之選衆推慈惠之師治千  
乘之賦而辦多勗百吏之課而書上爰履三朝  
之吉茂迎百順之嘉籍郡氓唯懼瓜時之及諄  
一老空懷芹獻之心

回沈守賀正啓

銅渾觀象歲籥代終玉燭宣和春元茲始恭惟某官  
躬行古道親值聖方上聖解絃更化之初應君子連  
茹彙征之吉逢辰有俶錫美惟休黛耜省耕盍致九



推之助胎車入覲更疏三接之榮

回周守賀正啓

魯經書五始之元漢儀紀三朝之會繫萬寶化生之  
日兆群賢彙進之祥恭惟某官哲謀肅乂之才正直  
端拱之德親逢聖旦方興見晚之嗟節順履王春宜  
介朋來之祉自憐老去寔聳遐瞻千拍蒙休竊比棠  
陰之舍一觴獻壽莫持椒頌之盤

回平江湖司法賀正啓

璿璣驗中星之見以紀王正象魏布端月之和目前

民用恭惟某官識洞陰陽之蘊氣凝天地之中妙語  
春容暖于布帛大篇舒卷燦若煙雲適臨元吉之辰  
宜集善祥之慶重勤大貺遠墜嘉音問輿人之紀年  
敢冒復陶之寵賦何戎之守歲空驚莫景之斜

回鎮江劉都統賀正啓

四序平分歲星更始三陽彙進卿月高升恭惟某官  
門地山西之豪時望斗南之傑磊落掀天地一丸泥  
可封百二之關叱咤生風雲半段槍可破十萬之衆  
爰介春祺之慶猥先故物之求緹騎鼎來函書拜辱



渴心不展空懷賀厦之私輿論可占行有築壇之拜  
但深欣頌莫究名言

二

炎正嗣興接千齡之統王春肇序登四海之圖惟時  
百戰之多宜受朋來之祉恭惟某官鞭笞犬羊之衆  
號漢飛將軍駕馭貔虎之師為唐大都督書鍾鼎勲  
載旂常逮茲熙旦之逢益茂春祺之介倚爪牙之衛  
以外摠于師干咨惟惺之籌盍坐圖于廟勝其為欣  
頌莫究名言

三

歲律時嗣興陽明彙進山無紀曆旦驚寒暑之更客  
有疑年重起泥塗之歎恭惟某官高情耐久偉量鎮  
浮長鳴司風雨之辰特操厲冰霜之節受履三正之  
吉方取新厭故之時獨占一紙之書皆悼屈傷屯之  
意拜嘉甚寵懷惠靡忘肅々初筵莫賦椒斝之頌區  
區微贄但分芹獻之甘欣慶之私占言難盡

四

周星既復端月嗣興一元資萬彙之生諸福會三朝



之慶恭惟某官竒龐福艾碩大光明謀初百中而妙  
若穿揚善後萬全而勢如破竹履端茲始錫羨有初  
建大將軍之旄行占郭令中書之考聽輿人之頌盡  
歌魯侯三壽之詩瞻頌之私敷宣罔罄

五

藏冰北陸四序歸餘迎氣東郊一元更始恭惟某官  
執干扈殿嵩之峻建牙分戎閫之雄千載逢辰三朝  
受祉桃弧棘矢山林無魑魅之逢栢葉椒花壑谷有  
吾公之樂眷言幽屏遠墜珍投原田每々敢有罔新

之願緜袍戀々空懷求舊之私瞻頌之私敷陳莫罄

六

履三朝之會方占參尾之中登四海之圖今在斗牛  
之次有開令序允屬休辰恭惟某官肇履春元密膺  
帝賚搃戎旃之重有嚴帥閫之雄聯貂冕之華宜視  
公槐之貴名偕日起道與時亨壽福而昌藏行致百  
朋之福老衰而耄又經一歲之時

七

治曆以觀天象式序三辰作經以謹王正蓋尊一統



恭惟某官器深而博行直而方六竒淵秘感鬼神一節英明貫金石三微紀月欣穀旦之親逢四德體元宜春祺之協應爰擁師干之重以資戎翰之良疇敵愾之勲已紀雲臺之象提嚴疑之護行資武帳之籌

八

星紀初回春祺紹至三陽朋進一德上行恭惟某官沉雄宏毅之姿竒龐福艾之相奮空券而扼虎亢絕藝以屠龍入護中宸作朕心膂出膺外闡為國爪牙履茲潛陽出滯之辰宜介小往大來之元戎吉十乘可

擬金城百雉之崇袞服九章行應台躔六符之象

九

玉曆頒正象魏布法千歲之日于此求端一旦之逢自今作始恭惟某官盛德介百福之祉勞謙忘千乘之尊悼故老之遺已迫桑榆之晚暮幼履新之慶宜同草木之欣榮跽誦拜嘉占詞叙感明月空塵于大貺陽春莫儷于好音欣頌之私占言難盡

回無錫馮宰賀正啓

魯經表首事之年漢儀絕朝正之月木行履運金奏



宣龢恭惟某官德齒為老成人豈弟為風化首親逢  
熙旦坐擁龐禧更桃符于兩戶之間所閱多矣飲屠  
酥于衆稚之後而壽莫量焉重勤一騎之臨亟拜朋  
來緘之辱嘉言慰藉温然如勞酒之醺老語諄々最  
爾真祭魚之獻

回莫守賀正啓

考音散而太簇鳴候昏旦而中星見群剛浸長諸福  
朋來恭惟某官道大而時升德成而日進耆艾省臺  
之望風流藩翰之良桃梗効靈藹千門之佳氣土牛  
占歲喧四野之春穀凡附託于一塵舉涵濡于九里  
遠馳綬綺辱貺函書椒盤頌花雖莫預阿戎之集屠  
酥送暖豈復憂范叔之寒欣頌之私占言難盡

回宜興陳宰賀正啓

北斗回杓歲星始見東郊載耒農扈將興恭惟某官  
豈弟宜民忠嘉許國未展雲霄之步先安枳棘之栖  
進服邇僚師言惟亢親逢熙旦賢路方開盍紆畫繡  
以疏三接之榮更為春酒以介千齡之壽其為欣頌  
莫喻名言



與莫守賀正啓

桃符逐厲俄驚一歲之除椒頌薦穀共慶三朝之會  
恭惟某官佐王之學當陪國論承流之寄尚布藩條  
寅奉夏時肆頒堯曆進牛鞭而占歲凭熊軾以班春  
咸欣聞鼓樂之音舉熙有登臺之樂東閣之梅  
紀瑞已開故歲之花南國之棠交陰留誦他年之愛

與鎮江劉都統賀正啓

一氣不頓進念交泰之難逢四序本平分慶履端之  
有俶恭惟某官戰勳出諸將帥之右賀畧得古兵家  
之流空萬竈之烟已徹秋防之驚按諸營之柳佇瞻  
春事之新迨茲穀旦之臨宜奉椒觴之薦柴門寂  
正服老農夫抱甕之勞幕府潭但想大賓客盍簪  
之盛

回葉守賀正啓

舜璣占七政之齊繫上聖撫辰之盛漢儀講三朝之  
會寔群公受祉之初恭惟某官式古訓以禋身奉天  
時而布法束縛群奸如束濕恢無漏網者養護小  
民如養維洋其得所哉迨茲三陽交之初舉有一



一視同仁之喜斗回寅柄方行太守之春椒頌辛盤  
聊効野人之獻其為欣頌莫罄名言

回郭守賀正啓

天王居正建大號以表年方伯承流履春元而受祉  
群陰消伏萬寶欣榮恭惟某官鍾五百年間氣之英  
分二千石名城之寄輿情樂只謠頌藹然屬剛德之  
浸亨宜春祺之攸介逢車追召已塗芝檢之書荷索  
聯榮行奉綸闡之直

二

盤頌椒花門書桃梗排群于陰九死地集大慶于三  
朝恭惟某官凭熊軾而應木行之辰進牛鞭以驗金  
穰之慶埽遺蝗于積雪之下散驚鳥于列炬之中萬  
室安眠不聞夜吠午門喜笑已作散春布寬大之條  
以廣上恩發中和之政以尊時令紆丈二之組已載  
觀嗣歲之興奉尺一之書行見履贊元之任



鴻慶居士文集卷十七目錄

啟

復官謝沈相啟

謝万俟相啟

謝湯樞密啟

謝程叅政啟

賀張叅政啟

謝陳樞密啟

謝韓尚書啟



謝湯中丞啟

謝周殿院啟

謝中書王舍人啟

謝凌正言啟

謝凌舍人啟

謝尚書侍郎啟

謝榮守太監啟

謝孟郡王啟

鴻慶居士文集卷十七

啟紹興丙子

復官謝沈相啟

上書北闕俯輸螻蟻之微情出綽西垣仰玷乾坤之大造繫浩重精之感寔憐造膝之陳伏念某謀身蠢而愚受性拙而褊自知寡與見謂畸人卒蹈危機為世大僂強弩射市非我獨也而薄命安所逃腐鼠中人了無預焉而竒禍乃如此舉有竊鉄之態動成投杼之疑固已不勝衆楚之咻豈料又生一秦之患遽



興大獄首寘嚴科輸之鬼薪論為城旦致之必死示以無還自惟十九歲而羝之乳無期豈謂一千年而河之清可俟晉馬已老矣空懷樞伏之思吳牛尚喘喘焉由軫駐車之問茲蓋伏遇僕射相公堂下社稷之鎮英々人物之宗開闡大公主張善類凡預平反之筆皆為全人一婦造化之鑪舉無棄物出餘燼于溺灰之後援窮囚于擠壑之中寫膠續弦可補黥劓金篦刮膜復睹清明所以示丞相宰天下之手於以坐王者居域中之大滌除宿負申救沈寃收茲不齒之身寘之過之地戴更生之大賜亦何殊食馬之恩願重盡之餘齡猶欲効搏螭之力

謝万侯相啓

夢得之謫九年嘗大鈞之問屈平之放三載尚從太卜之占况茲二紀流落之餘而有一旦遭逢之異伏念某頃繇學省進二憲臺五號請和戎可紓之時倉卒非常之變以安國步一章論伏闕必啓異日羣小之心不肖之心以召亂階豈因為諂々異論以冒刑誅姑欲効憐々愚忠以裨廟等大臣按劍而怒彼游



魂之聚衆小醜何為諸生舉幡而來謂中興之佐一  
變已足既大違于國是旋黜守於方州未幾胡塵再  
犯京闕生民罹塗炭之害中都萃蛇豕之妖靖康龍  
沙萬里之遷明受錢唐二凶之叛誰為首端坐自如  
獨有言狂衆愠猶在皇天禍悔聖主厭兵始畫地尋  
和戎之盟亦制辟懲伏闕之士不辨履霜之早固知  
圖蔓之難某之不才過乃由此茲蓋伏遇僕射相公  
三朝雋老一代名臣歷睹羣公朋黨讐復之馴致四  
郊戎馬長驅之禍餘風未殄巨蠹相乘踐覆車之轍

而弗疑抱救火之薪而益肆面謾君父蔑視同寮方  
造膝論事而猜忌忽生已反眼為讐而亮怒不測况  
于草芥踐踏何嫌重以雷霆糜滅可待側聞爰立寔  
慰具瞻始以尊君親上仁民愛物之心盡草如賢疾  
能惡直醜正之弊興哀故物加惠窮收之納溝必死  
之中被以骨肉更生之造餘年索矣稱効茫然班荆  
履椒舉之亾固不渝于一諾結草亢杜回之後尚圖  
報于九原

謝湯樞密啓



受一塵之地正窮閭待盡之時賜十行之書有賢路  
聯華之寵大均塊北皆被陶鎔莫境衰殘足以榮耀  
竊以孫叔敖去楚令尹而無憂色齊管仲奪伯氏邑  
而無怨言孰知古人喜懼哀樂之情豈謂得喪窮通  
之故某久惟諛黜辱在泥塗盡褫官資降為皂隸偶  
不至弭耳作蠶之狀亦未嘗變色愠戚之窮公  
伯之愬季孫其如命何臧氏子之沮魯侯不過天也  
數固必復事有何還治道勃興群賢彙進欣逢一旦  
感會千齡當軸處中改弦更化上稽公論下合師言

正路宏開群情胥悅若梅林之望已慰渴心如屠門  
之過固自快意更遇執肉分爭之賜重叨投醪共飲  
之仁凡今日之所蒙在孤生為最幸茲蓋伏遇知院  
樞密文章華國道德佐王思天下飢溺而同其憂得  
英才教育而共其樂謂居上繫民之休戚當挺身為  
國之安危故能簡上帝之心出乎而任大臣之事永  
惟許國之義莫如得士之昌追錄故臣半為異物祿  
介子弗及矣寧無恨焉封雍齒而先之固有喜者

謝程叅政啓



囊封奏御方虞冒犯之誅詔紱疏恩更濫褒陞之典  
擢從罪籍加賁朝紳叨拜恩榮恍如夢寐伏念某有  
至愚極陋之累無固身慮患之明名浮而挺災言狂  
而造怨一夫誑楚終挾謗書衆鬼謀曹遂成竒禍身  
名破滅僅齒平民骨月喪亡惟殘一老每追惟合浦  
牛衣之泣空悵望華亭鶴淚之聞偶餘息之尚存信  
此身之有待上聖撫域中之大群公宰天下之平魯  
一真儒覽輝而獨下衛多君子拔茹以同升壞植散  
群除苛解媯盡蠲密網稍出羈囚夫何二紀禁錮之

餘亦預一時甄收之數茲蓋伏遇叅政氣充剛大性  
極高明闢正路而有疾邪詎諛之功鎮頽波而厲激  
濁揚清之志謂柳士師之黜豈一身寵辱之足云而  
阿大夫之烹寔公道廢興之所係出沉寃于無所告  
攄孤憤于不獲申蓋將使多士皆歸心焉豈但令小  
夫獨受賜耳洪鈞所播纖芥無遺不疑償金同舍之  
金彼誠誤矣晏子解左駟之贖幸孰甚焉大惠不貲  
空言難叙

賀張叅政啓 丙子九月



伏審崇獎者明進陪國論寵數絕廷臣之右歡言溢  
海宇之間恭惟某官叅政學邃六經之醇名冠萬夫  
之表文章雋老道德宗師太公遇西伯而來歸謝傳  
臥東山而強起天下之義理所閱多矣民間之疾苦  
皆親見之以茲開物成務之姿方當經體贊元之任  
得時而駕莫如今日當仁不讓豈在他人四方聳若  
石之瞻羣生佇大鈞之播何必埋輪道上奮一怒之  
快于豺狼自可借箸食前折千里之衝于尊俎某漂  
流棄物衰槁餘生側聆置輔之求倍切依仁之願爰  
念囚山之久固已蒙解縱之恩尚未填壑之時猶及  
見經綸之盛

謝陳樞密啓

身老百罹久安窮陋思推三省俾解拘維驟起民門  
載通吏籍伏念某漂流嶺嶠歸宿田廬乞火于南鄰  
北里之中拾穗于東阡西陌之上醉慰訶怒窮鬼抑  
揄臥聽屢屢桑婦之歌起和款乃漁翁之唱年門八  
秩星度两周餘息猶存榮望已絕肆覃茂渥開八餘  
黎種千樹桃而苕生種一頃豆而雞萁落五鷄二母



彘已編渤海之氓三鍾十束西新尚賦支離之祿恭惟  
樞密文高和寡材大用難雁塔書名極天下掄魁之  
選鰲扉視草冠內朝供奉之班首膺夢卜之求分搃  
樞機之要魏乎社稷之衛燁然邦家之先將相安危  
之寄方隆朝廷人物之評所系一言印可衆論景從  
致茲衰屏之蹤遂玷明揚之列雖大人行大公之道  
固不以為息而小人懷小己之私詎忘其報

謝韓尚書啓

韓任刑部兼權臨安府  
兼兼詳定一司勅令

先哲王之制刑垂萬世不刊之典大司寇之議法哀

一夫無告之辜仰繫善貸之仁茲謂難逢之會伏念  
某許身甚拙涉世尤疎自任一介不移之愚久處衆  
人必爭之地以和戎緩兵為是以伏闕首禍為非狂  
疎不切于事情迂闊動乘于時變滑稽玩世思但碌  
碌以全身生翫麟倚門豈免栖、而為佞卒罹大謗自  
抵嚴誅悵來日之無多悼孤生之永已誰復憐者被  
以三薰三沐之慈遂一洗之出於大譴大呵之域茲  
蓋伏遇詳定判部尚書以儒雅飭吏事以忠義結主  
知德大而矜愚器博而容衆威名烜赫京兆之智發



伏如神議論詳明尚書之心持平似水革去析言皮  
律之弊輔成救焚拯溺之功豈圖二紀禁錮之餘首  
玷一言平反之重自今知免矣已逃溺筭之誅抑過  
所望焉俄見壞陂之復窮途易感沒齒難忘

謝湯中丞啓

削丹書于秋官之籍繫明聖天子獨斷之明齒清議  
於月旦之評寔卿大夫游談之重伏念某藐然一介  
叢爾餘生 蟲作心腹莫大之憂二豎為膏肓不治之  
疾固嘗求福于木居士亦復祈巧于天女孫鬼神惡而

天高不聞蛟龍怒而淮深莫測歛如過隙星紀之換  
两周悅若披雲天日之光一睹仁言博矣王路坦然  
一燈借明九里蒙潤補壞墻而翁怒自干非意之誣  
束緼火而婦還更冒曲成之造茲蓋伏遇中丞剛大  
之氣充塞堪輿謬之殺動搖山嶽靖共好直忠憤  
之疾邪哀此窮途已同棄物掀于淖而濯西江之水  
傅之羽而培北海之風骨鯁在咽久從暗噫腦脂去  
眼復見高明銘佩之私占言難盡

謝周殿院啓



蚤罹讒慝俾從四罪之誅卒賜辨明復序兩甄之列  
伏念某自惟孤拙屢致怨憎一哆南箕之成莫障西  
風之汙窮途栖屑何止百罹莫齒侵尋唯欠一死屬  
君相明良之合會聖賢馳騫之初抗議去讒疏息起  
廢晉屈產之乘已老復何為哉魯靈光之殿獨存殆  
非偶爾茲蓋伏遇殿院忠憤慷慨剛德沉潛公論倚  
平國勢增重善救無棄曲成不遺致茲流離放逐之  
餘亦被收拾哀憐之數輪囷老榦雖無意于雲霄吮  
喔長鳴尚不渝于風雨

謝中書王舍人啓

衆毀盈庭陷以人臣之大慝一言投匭槩之天下之  
至公伏念某與人無茹肝涉血之仇而所遇有笞地  
射天之惡欺君拍鹿怙衆嗾獘合為一朋與其凶怒  
彼越俎者彈文本自于借秦遂下石焉制獄暴興而  
助桀鑿皮出羽洗垢索瘢雖云極鍛鍊之工終莫得  
毫毛之罪微笑忽生乎偃月疾威不掩于迅雷固自  
不知其所以然曷為至于若是極也忽三州之檄同  
日俱下合諸戎之卒持挺促行幼女牽衣老妻裹飯



旁觀尚為之出涕在某固難以為心流落三年阻絕  
萬里旋蒙恩貸歸守故丘一室蕭然物故幾盡老妻  
憂死幼女病亡藁葬空山但餘兩冢寸心破碎老淚  
縱橫惘惘可憐奄奄欲盡方群小快一時之怒願一  
夫之休戚何足言以四海望中興之心而大臣之舉  
措乃如此第莫追于既往豈有俟于將來不圖餘生  
復見今日大明博照衆正上行噫枯吹生朽株蒙潤  
起幽作匿節室垂光雖周黎民固已無遺而絳老人  
於今獨在悉除過故復冒官榮茲蓋伏遇侍講中書

舍人巖廊柱石之姿宗廟盤彝之器學通聖域文擅  
詞宗首膺仄席之思入奉受釐之對論經秘殿舌有  
風雷視草西垣筆叅造化屬令小子叫閤之日驟蒙  
明公援壑之仁自惟無褚公半面之新何以得季子  
一諾之重廟堂之上緩頰游揚縉紳之間發憤慷慨  
謂兩禁舊臣而降為皂隸以百年遺老而辱在泥塗  
掖起民編還畀吏籍凡此遭逢異之豈非宿昔之因  
大惠不貲空言莫叙昔也龜固知寡不勝衆之難  
今而馬反為駒亦有老而復壯之理窮途易感沒齒



難忘

謝凌正言啓

謗焰有藝天之勢何負而獨遭漏泉無擇地偏卒歸  
 于一洗繫卿大夫悼屈哀窮之助為愚不肖殘年投  
 老之光伏念某早觸禍機久嬰罪罟兩怒溢惡更謂  
 盜丘三尺深文論為黥布固已悟昨非而自屏豈應  
 頌故怨以求申會上聖之作興當大賢之特起有騶  
 有駟有驛有駱一空異野之群非龍非螭非虎非羆  
 出應渭濱之卜拔茅彙進推轂相先善類攸歸國入  
 所慕茲盖伏遇某官矜愚容衆汎愛親仁哀此陳人  
 未編于鬼錄借之餘論俾復于官聯未知論報之方  
 但有循涯之愧破甑固已歸于瓦礫何所用之故事  
 猶可併于薪蒸未忍棄也

謝凌舍人啓

凌任起居兼  
權給事中

負罪投閑委孤根于枳棘游談借重收莫景于桑榆  
 竊以聖人戒諛說驚朕師之憂君子有淫刑及善人  
 之懼雖造端之微膚受流弊之極面謾群囂吠齧深  
 文次骨讒人固不容矣卒自沉于江中酷吏抑又甚



焉謂將反于地下詩書所記古昔皆然某愚不知方  
動常違俗蚤罹羅織之枉久從縲紲之拘不自意全  
適有天幸銜冤二紀便當飲恨于重 起廢一朝  
可謂逢辰于千載茲蓋伏遇給事舍人論事瑣闥有  
批勅之風珥筆殿坳得記言之法仁惟兼濟豈在曲  
成閔茲溝瀆之餘丐以齒牙之論片言借寵末路增  
華出之下駟之中服在左驂之列其為感悅難盡敷  
陳

謝尚書侍郎啓

除殘去暴共欣湯網之開洗垢滌瑕盡稅楚冠之繫  
伏念某已非故我可謂陳人簪褫裳二紀之餘服犁  
鉏一塵之地流年晚晚漏盡鍾鳴病骨支離帽寬帶  
落忽紆宸綬加畀朝紳願影可憐捫心自愧踞鞍矍  
鑠固無著鞭先路之心奮袞低昂但有擊缶歌田之  
意茲蓋伏遇某官高情特達大節顯昂悼木偶之漂  
流哀波臣之蕩汨汗青蠅之思慨然有怒劔之揮割  
丹鷄之盟行矣見乘車之下

謝榮守太監啓 常州



窮愁自屏久安寂寞之濱慶賜初行亦預龐鴻之施  
伏念某早居爭地卒踐畏途朝辭城南尺五之天夕  
貶朝陽八千之路上蔡相君之憾空悲犬耳之黃江  
州司馬之歸應待烏頭之白雷行奮地霧盡披天肆  
開祝網之恩盡返西山之客茲蓋伏遇知府高情振  
薄大度矜愚出名論于月旦之評感哀音于土風之  
操念泥塗之久辱仁惟推轂之先悼縲紲之非辜豈  
有解駟之贖其為感悅難盡敷陳

謝孟郡王啓孟判平江府

早嬰憲網遂階饕餮之凶忽奉恩綸復序神荼之列  
伏念某杜門埽軌固已有年對食吹壘猶懼不免爰  
起夔龍之輔盡投狼虎之讒雖天寬地大徒步自由  
而道盡途窮來日無幾更叨恩宥復冒官榮搔雀髮  
而彈貢禹之冠褫龍具而束公西之帶宿心猶在時  
柱笏以看山習氣不除尚脫巾而漉酒茲蓋伏遇某  
官少師判府信安王三朝耆德代臣宗人品極涇  
渭之分世論倚權衡之信章子不孝而有孟軻之辨  
治長非罪亦由孔子之言致茲縲紲之餘復被箠紳



之寵循涯有覲詠德知歸念枯稷沒藜莠之中偶然  
未死俾斤鷄翔蓬蒿之下遂得此生

鴻慶居士文集卷十八目錄

啓

復脩撰宮觀謝沈相啓

謝侯万相啓

謝張叅政啓

謝湯樞密啓

謝陳樞密啓

謝湯中丞啓

謝周殿院啓



謝察院啓

謝凌正言啓

謝中書王舍人啓

謝兩史舍人啓

謝尚書侍郎啓

回謝張運使啓

回謝漳守趙大中啓

回太守周直閣啓

回謝處守謝少卿啓

鴻慶居士文集卷十八

啓

復脩撰宮觀謝沈相啓

詔綈甫頌方除罪籍恩綸存至復踐榮途不圖屏竄之餘更濫褒之典伏念某自投憲網遂褫朝紳未嘗望絕塵一睹龍章鳳姿之表詎敢塵薄伎少俾竹頭木屑之功倦鵲空懷三帟之悲飢鷹猶有一呼之待仰止大鈞之播靡先蟠木之容自惟積纍之難磨備罄枕辭而上瀆畫墁而取食固自知其妄矣乞漿而



得酒抑又過所望焉茲蓋伏遇僕射相公黼黻斯文  
藻飾萬物斟酌元化舒慘四方開使功使過之科詔  
馭福馭威之柄眷言孤迹久困窮途援之積垢汙蟻  
之中示以棄瑕錄用之意廣內九闈之邃偶寓直其  
中真庭群帝之祠亦且負于此病駒而備刺史之駕  
老鶴而乘大夫之軒仰繫從欲之仁寔負空餐之愧  
號咷井而出已踐初言合浮圖之尖更終大惠

謝万侯相啓

陞華書殿已冒隆名均佚神庭更尸厚祿鴻私所被  
感涕自零伏念某與世參差為官拓落碌々無甚高  
之論斷々惟自用之愚坎壈數竒連蹇三黜正如偃  
師造木偶耳始傅合丹漆于遊戲之間忽若工祝棄  
芻狗然已狼籍道途于蹂踐之後自驚變化之速僅  
存殘敗之餘瀆吏譏訶亭尉嘲罵俛出胯下一笑之  
耻何足言推內溝中九死之魂復誰弔茲蓋伏遇某  
官言合着龜而必應行中準繩而不差念畎畝之餘  
生乃門墻之舊物早接步武鮑叔牙獨知管仲之賢  
莫測崇深張延賞烏識韋臯之貴雖屢罄丹三之瀆



而不替終始之恩秘殿高華真祠優佚璽書絢爛印  
組光新聚驚清切嚴近之班併為衰老疲癯之寵息  
黜補劓固已盡于獻三捨旧圖新尚有期于借一

謝張叅政啓

奏牘冒聞仰干鴻造詔音報可曲遂私成伏念某早  
歲狂踈未嘗更變晚途流落但欲偷安嘗胆訟愆昨  
指悔過方壞植散群之後雖微投杼之機而臨深履  
薄之餘猶是傷弓之翮大賢入輔聖主仰成四海沐  
寬大之恩百神聽靖共之德飛章上達固無明珠按

劍之疑賜札俯頒遂復木瓜報瓊之重茲盖伏遇叅  
政禹功翊舜尹德承湯悼簪履之餘遺而欲兼收掩  
瑾瑜之瑕而不求併得季子之諾殆過于百金墜公  
之書固賢于十部煖踰布帛施等丘山通書殿之清  
班竊祠宮之厚餼併叨異數衰老之光盡出洪均陶  
鎔之賜乘牛車以觀東閣之士固所願焉空蕙帳以  
勒北山之移自今始矣

謝湯樞密啓

秘殿通朕叨恩不次真祠厚餼竊食無功自驚縲絏



之餘復冒忤懽之訛伏念某憑愚好勝任己直前適  
丁群仇彙進之初輔以竒詆深中之士微妖聚鬼倡  
造無根鏢骨鏢金謾陷不測彼快一時之私怒可矣  
其如天下之公議謂何治道聿興皇明委照聖主議  
哀矜之典大臣推從恕之仁閔茲窮閻待盡之身收  
於散官永棄之地蓋謂拔十得五庶幾有獲焉夫何  
問一得三又過所望者茲蓋伏遇 院樞密以孤忠  
許國以斯道覺民簡在中宸典司密命眷孤迹湮淪  
之久會洪鈞化育之初欣逢千載之期首被一夫之  
澤通籍殿廡之邃置身宮館之間衰老曷為叨逾至  
此洗心改事方將銘坐以圖新鏤骨銜恩尚欲結纓  
而効死

謝陳樞密啓

直館就閑方上祈哀之請私庭拜望遽叨從欲之仁  
榮躋嚴近之班併示便蕃之寵省循非據喜懼交懷  
伏念某坎壈一身漂零二紀志哀善交而未免狗苟  
蠅營之態寢驚夢魔而尚虞風殺鶴唳之聞悼東嶠  
之失會莫追悵西崦之期欲盡迨茲晚遇有愧平生



著籍殿中紬書廣內進冒宗儒之列居叨仙聖之祠  
地近秩清官閑祿厚戶外之屨滿已無爵可羅壁上  
梭飛而見蝎亦喜茲蓋伏遇知院樞密材隆國棟望  
重民瞻早發跡于掄魁晚疇庸于政路矜取故物辱  
在洪鈞矧茲耄及之年尚玷褒陞之典三錫之榮過  
矣難忘大造之訓一飽之腹果然空負素餐之恥

謝湯中丞啓

秘殿修文濫綴朝紳之末真祠訪道更叨家食之恩  
迨過所蒙蓋知所自竊以淮南憚汲黯之直寢稱兵

之謀回紇感郭令之誠下投戈之拜藜藿所以恃伏  
猛之威而不採山淵蓋亦蒙潛珍之潤而不枯故茲  
委照之餘皆在容光之內某蹉跎莫齒潦倒餘生大  
公之路一開褒復之恩洊至茲蓋伏遇中丞剛大之  
氣養之浩然奔逸之塵望之矚若聞風而貪懦之志  
立正容而諛慝之意消世道將興朝倫所恃惟是鉗  
口結舌無告之狂不勝推膚剥髓莫大之辜卒解免  
于深文尚叨塵于撫仕追尋已往既陳之迹疑蕉鹿  
之尚存獨有懷恩未報之身詠梁鶻而自愧



謝周殿院啓

上祠宮之請亟推從欲之仁聯館殿之華更冒隆儒  
之寵伏念某孤暗莫和衆喊難齊久行憂患之途重  
罹羅織之狂命窮而出所向觸藩痛定而思方食失  
筋兩踰歲紀六遇郊禋獨臥窮閭久永同棄物借齒  
牙之論寔有望于至公悼縲紲之非遂卒歸于一洗  
茲蓋伏遇殿院立朝之大節以正直聞致主之嘉謀  
以儒術用臺評一出世論所宗長劍倚天而氛祲自  
消猛虎在山而草木皆遂朝端屹若王路坦然致茲  
衰老無用之身亦預蒐攬甄收之數牛溲馬勃倘自  
効于毫分鐵心石腸誓不渝于燥濕

謝察院啓

囊封葐奏竊希琳瑯之間賜禮重褒遂著金閨之籍  
某竊謂誠身有道莫如勝己之私不由徑行而人佚  
其公不愧屋漏而神聽其直免胄而見盛服以朝故  
能動容正色于衣冠瞻視之間自然厭難折衝于尊  
俎談笑之際恭惟御史紀綱之地寔為天子耳目之  
司不怒之威未言而信如伏山林之猛自全藜藿之



生茲蓋伏遇察院高蹈不疑獨立何懼以中庸之行  
蓋伏遇之表以法語之言為議論之宗多士具依有  
蒙霧不知之潤一時處顯皆分燈無盡之光致茲幽  
屏之蹤亦預明揚之列神龍高舉固已慰四海望雲  
之心斥鷃界飛獨善附一枝巢林之託

謝凌正言啓

抗言自列願追營香火之緣錫命過優俾接武圖書  
之地竊以毀常生于溢惡譽每出于過情坐虎而  
見蔡邕豈其然乎射木人而惡蔣濟亦已甚矣某狂

狷妄發出言而逢怒養愚自守獨事而罹尤怒遷而  
水之蟹可憎患至而江之糜弗悟諛夫峻詆酷吏窮  
探方一時摧戕蹂踐之餘僅夷于草莽豈二紀衰病  
流離之後有望于桑榆茲蓋伏遇正言持心如冰鑑  
之平稱物有權衡之信察人于衆惡拔士于一言迨  
茲垂老之年亦玷惟新之令敢圖終惠更欲試春草  
之長亦獨有後凋尚有愧霜松之老

謝中書王舍人啓

剡奏陳情誤恩疏寵名標帝所上廣寒脩月之宮踞



入神仙游禦寇御風之圃遂僥一時之幸併叨三錫  
之榮伏念某蠢迂而動成悔尤畸窮而少所諧偶自  
惟投閑置散無所用心獨有挾冊讀書庶幾求志擁  
鼻賡洛生之詠掉頭歌梁父之吟固未嘗戚嗟怨懟  
賦南山種豆之詩祇自傷流落困窮琢元都訪桃之  
句豈圖過聽乃遇知音雖地極風馬之殊而声氣有  
霜鍾之感游談借重大筆垂褒青蒿倚長松本自非  
其偶豚蹄祝甌窶何所欲之奢茲蓋伏遇侍講中書  
舍人古學淵源探六經之蘊高詞雅奧起八代之衰  
重講肆之席而辨若風生脫筆吏之腕而思如泉湧  
自惟孱陋最辱知憐溉殘朽于流潤之餘出黜暗于  
容光之地圭璋借重况蒲柳增花敢緣援手之仁自  
薦尺書之贄空有望塵之嘆莫申擁篲之恭

謝兩史舍人啓

上主廣右文之化誤叨稽古之榮群公輸盡瘁之勞  
獨冒素餐之祿豈孱庸之敢望荷識拔之非常伏念  
某以卷曲無用樗散之材有留落不偶數竒之相狂  
愚自用謗怨所歸名書饕餮之科罪抵驩甍之比已



不勝人言之衆孰云表榮之不狂固自有世論之公  
始信治長之非罪茲蓋伏遇某官學洞九流之邃文  
追三代之風士論推崇聖心簡在觀過護人之短持  
平扶世之偏悼茲涸轍之窮俾有安巢之願方披帶  
索群麋鹿于草莽之中墟忽被冠纓接鸞皇于雲霄  
之跼每篤相先之意遂叨不次之恩溫尋舊讀之書  
已廢十寒之厄策厲平生之氣詎復存三竭之餘

謝尚書侍郎啓

中禁之表寶儲恩容寓直上清之淨宇詔許偷安竊

以富貴非其義而千駟之馬弗視焉貧賤不以道而  
五兩之輪亦泰矣聽鳴蛙于鼓吹之下立緼袍于狐  
貉之間人見簞食瓢飲之不堪孰知甕牖桑樞之非  
病其伐樹削迹久矣弗容囊尾跋胡罔知攸措未嘗  
怨天尤人見愠窮之色但知流行坎止隨任運之緣  
會上聖求賢如不及之時而群公觀過有知仁之恕  
策磨朽鈍庶收十駕之功振拔滯淹或有朋來之福  
茲蓋伏遇某官追探千載樹經綸之業表儀一世主  
人物之評處富貴之身若固有之視貧賤之交無間



然矣推仁博愛分德周施收之爨新煨燼之餘被黼  
黻青黃之飾退思所自為幸何多鷄鶩之贄莫陳徒  
切仰高之慕犬馬之力將盡尚思圖報之方

回謝張運使啓

瀝懇犯嚴方虞幽推黜息起廢更累明揚伏念某叢  
爾餘生起于罪籍辨市虎之謗已明矣顧杯蛇之影  
尚惕然驟置書林追參賢路猶堪珥筆和南風殿閣  
之詩詎可投竿遮西日長安之踞道茲益伏遇運使  
直閣嘉善容衆強恕求仁萬頃紉行九河借潤被許  
子將一言之目墜陳孟公尺牘之書坐令衰廢之餘  
復冒許延之寵末至居右敢忘馬長卿禮遇之隆下  
坐為榮自倚郭林宗題評之重

回謝漳守趙中大啓

直承明之廬重叨非據索長安之米自愧無功伏念  
某猖狂嬰憲網之拘拓落笑儒冠之悞足一跌之後  
雖縱纜而莫收肱三折之餘尚迷途之可復刻肌補  
過斷尾求全豈繫躡藉之餘尚玷題評之重起甃浮  
圖于講席之上寘木居士于叢祠之中拜賜竦然為



禮過矣茲蓋伏遇知府中大忠厚之德追配先民久  
要之情矜存故友一函甫逮若奉光塵三讀不休如  
聆嘉話窮閣改觀莫齒增華陳義甚高殆過蕙金之  
餽占詞不腆空慙縞帶之投

回泰守周直閣啓

通三殿之班光膺懋寵授列仙之館愧積空餐自憐  
疲瘵傷敗之餘無復勇銳激昂之意飽于憂患未老  
先衰困于語言無罪得禍盍居散地畢此餘生荷識  
拔之非常豈頑踈之敢望茲蓋伏遇知府直閣高明  
昭晰廣大并包溉病木之根于垂枯脂敗車之轄于  
既覆偶存殘息未首一丘曲借餘光坐階華寵青雲  
歧路固無追驥駟之心白髮光陰但思逐桑榆之煖

回謝處守謝少卿啓

寓直廬于帝所極儒者之榮進官簿于神庭拜散人  
之號疏榮異甚拜貺覲然伏念某漂零三褫之餘顛  
頓百難之後繩樞甕牖容膝易安飯豆羹藜沒齒無  
怨俄墜紫泥之詔下臨白板之扉接層霄之羽翰而  
上星槎銀漢之津拍夷途之步武而臥蕙帳草堂之



夜雖自謀何以過此豈僥倖所敢望焉茲蓋伏遇知  
府少卿文學魯儒循良漢吏激西江之水涸轍遂蘓  
隱南山之雷蟄戶皆震申之嘉惠重以好辭分借餘  
光曲全莫齒雖遠爭地寔踐華途給札殿中詎敢奏  
大人凌雲之賦占詞坐上猶堪授小兒樂職之詩





